

笑

笑

錄

笑笑錄卷五

獨逸窩退士手編

學詩

褚文淵嘗其鄉某生沉酣制藝試輒高等腹若琉璃腕步搖
欄書味盎然而於詩學一步不窺既晚就學於友友示用韻平
仄之法居然謂得三昧即謬成曰吾人從事於詩途豈可苟焉
而已乎然而正未易言也學者其知所勉夫藝林捧腹謂龍褒
又一體也明齋小牕下同

婢罵貴客

某先達訪一舊友輕騎滅從造其廬久之主人不出有翫頭婢
持軍持過庭起問主人在否厲聲對不在掉頭便去比返復問
之曰已云不在焉又曉曉吾家來狂無生客不必頸懸珠串頭

帶尾波作許多樣子

當蟋蟀

貢生葉某誠實而腐獲一蟋蟀青項金翅視如珍寶家人告米
匱私念蟲可典也汲汲持盆往典中素識者誑曰是固佳第本
店銀近虧缺須向姑蘇某典必如君願葉皺眉曰來往不便吾
且休矣怏怏持之歸

酒舉

李樵峯天才俊爽性耽辭不自修飾惟嗜盃中物就試禮部攜
酒一瓶搜檢者白王大臣李請飲一舉而入遂席地牛飲過半力
不勝願謂卒曰爾等籍此盜飲偏不如爾願遽潑餘漚酒香四
溢王大臣操吳音曰真是酒舉

考優

每逢宗師考優諸生縫掖淺帶修容飾貌意氣殊自得有人戲作對曰吾子勉旃駕增廩附而上先生休矣在倡隸卒之間

誤解

彭文宗科試詩題序珠來去語出太平廣記通場間難一生謬作解曰頌延之赭白馬賦言汗出如珠也聽者誤以爲彈絃子卽大珠小珠落玉盤意傍一人謂旣是絃子何又云馬其人遽曰馬是架絃者一誤再誤直堪噴飯

韻字

邵櫟軒博覽典籍值字典新成三月而讀畢遇文詞幽奧如狼臙人誤金夜中亦識於是咨問者盈庭或故造韻字以相難先生曰此字六書所不載唯我能識一手捏兩口當爲亨去聲涕之亨字其善訴諸如此

招飲卽赴

吳烈綺歲登賢書有人問其封君曰公何陰德致此笑曰凡招飲者先是五臟神願隨鞭銚不須伴來兩次是爲絕大功德捨此則無諸語殊妙

結緣

賽天中嬰痲疾好持果分人身上囊袋纍纍悉貯果日循街市遇文雅客無論識與不識必迎與之曰結緣某年正旦邑宰褚公坐於堂以糕作元寶呈諸案褚色叫將呼伍伯幸旁人白其冤乃免

場中醉酒

彭文宗歲試一生酒醉亭午以白卷呈言病久不願作秀才請除名言畢嘔吐於堂彭爲溫語申慰對曰功名事小性命事大

堅不歸號復諭教官贊助之狂弗能搦管遂扶出命遲明補
考焉記昔某文宗批一白卷曰此四月當空一塵不染何吝教乃
爾請歸農罷視此覺澆漓仁厚如懸霄壤

官話

薛策三捷給有辨才衆畏其口口之入目謂國中從役已出矣
嘗語倪子厚曰你如何常叫我薛策蓋欲以倪子報也對曰否
我平日每叫你老策時以爲語妙後以貴爲四川典史適徐隣
哉良守夔州本係同鄉舊識往見於書室中行庭參禮徐曰老
策何必作此醜態及坐官語蟬_蟬不絕徐曰我不如你你出來
幾年官話已學了許多薛赧然而退

還磕頭

華亭知縣許公治以廉明稱民無謗議有某武生扭鄉人來稟

許悉其人因詢何事某云我行街上伊担糞汗我衣許拍案曰爾鄉氓安得漫不經心致壞相公衣應重責不貸鄉人哀求甚切曰然則爾願罰乎可向相公叩首一百下即令某南嚮坐鄉人叩首于下俾役數之至七十餘曰止我亦鵠突猶未問爾是文生抑武生某對以武曰誤矣文生值叩一百若武祇須五十耳當還叩二十又令鄉人南嚮坐某叩首於下某不肯兩役交擦之叩畢武生悻悻而去

要緊窮

黃學乾生長脂腴以贅得五品銜出入儀從同長官揮霍銀錢如土閭閻門某待詔執稱第一賃舟至蘇薤頭而回又於重九日將金箔放山頂深林高麓俱成金色此類甚多故時有要緊窮之語嘗冬晝見丐問左右曰彼何身體屢動對以冷而抖也

曰料可不冷乎傳爲笑語晚年不能自給傭於姑蘇某氏主出
謁客黃潛戴晶頃隨後主駭問之曰吾青浦黃某也主不敢留
贈銀以歸其夫人尙有私蓄依父母家黃於元日往賀節相見
下揖夫人褒拜乘間攫釵環奔出後以貧困終

書腐

諸生陸幽誦性愚戇人每給之以成談炳曾考蔭蘭法於友友
曰蘭性愛肥惡臭將狗屎煎熟則穢去而澤存灌無不碩遵其
教臭達於隣隣人登堂詬詈又得一笛持問美否友曰美矣惜
未得三才氣未爲寶也因問如何可得曰予於黎明上屋脊日
始出持而指之十日可吸其精華陸卽去隔十日又問曰天氣
旣得更教汝得地氣法擇深井沉於底祇七日耳若人氣須置
女子牝中三次陸陰念家有老嫗可無妨碍潛登其牀揭被置

笛老嫗狂喊夫人驚問故起裂其笛陸盛額曰所謂功虧一簣也後館遠村家中嗤束脩外無禮物陸不便向東家言私買一瓶滅書燈油貯焉歲暮將歸遺細君又恐人見密綴裨福主人出揖瓶蕩油流淋漓以歸是類甚多迨夫人綿綴以終忽向妓家宿既歸宿資未償值新鼓盆紙蠟夥賈謂可抵錢提而往妓怒擲之飛滿於地適友過調停而去

交易

高桐村善喫噉一日爲田莊事詣某富室主人託故不出高坐書塾旁聞師教於緝熙敬止於字讀本音高入戶師不爲禮但問何幹對曰爲本家交易去聲師曰何謂交易去聲曰田土往來也師曰當是交易入聲高曰然先生於字上少了一圈我故易字多一圈以補之師悟屬勿宣而爲之調處其事

嘲傳遞

縣府試多傳遞之弊唯黃公潼鯉局試吾邑關防嚴密接遞者
慌失題紙高才生競呼負負草率塗寫而出汪玉鉉作詩曰雖
饒銀錠與洋錢題目偏埋淺草邊小甲已尋五次後童爺尙想
十名前虛挨白日嬉遊過直待黃昏涕泗漣鄉也善夫都沒有
空餘匪石屢豐年蓋是日題已冠爲鄉也未冠爲善夫經題爲
屢豐年人皆帶得伍匪石稿云

孝廉鄙陋

陳燕公晚節鑿鑿無厭客憎其屢食於人未嘗作答強索之乃
折柬招友至晚雜還寶未治膳陰與夫人約驟相勃谿拾破碗
打碎客悉遷延去凡赴客宴魚肉果餅俱懷以歸素携布囊懸
臺棚一夕兩頭盛滿不能出棚孔客盡起周章無計价爲代出

之又嘗醉蹶於地頻以脚喊僕謂其足或受傷不知袖中藏有蟹脚也時太平橋葛姓者熟食最精潔恒造其店道寒煖雜揀野味與之飮之復拱手作別店主人樂交孝廉故得無嫌久恩遇親友吉慶事饋金扇一柄面以飯粘骨以綫穿俾隣兒送去身隨於後隣兒返半途收其帖剖分力金自携匣歸又曾喚婢如市寫票曰來錢一大文乞發濃臘火腿湯一碗有鄉人誤稱老相公者正色曰不得點

率叔

莊監生厚於貲捐貢後凡門戶器皿皆用官銜封記新置糞桶亦寫候選儒學字樣又曾投刺姻戚與族叔偕寫帖曰莊某率叔某頓首拜叔譁辨之曰我年長於汝況我爲貢生汝爲監生無所爲非也

老童

鄰間齋白首操童子業爲隣鋪假手自標於桌曰出賣警句每句七又不二價凡觀場者多情之其入塲攜大籃內盛鹹菜數莖冷飯半盂及蟋蟀盆一枚日暮盆中錢滿繳卷出曾覆試題爲不曰白乎合下節束比藝劉公行人子羽文曰士馬劉糧昔所遇之情形俱是言中之溜湮山川草木昔所歷之境界盡成今日之匏瓜再覆題爲雖執鞭之士中有句曰但論鞭之執不執無論士之雖不雖皆所賣句也

後嗣相謔

范公應聖情性迂執悃悃無華與薛策三會飲薛固嬾嬉善笑也乃謂君家文正公名超千古而後嗣不昌諒德行才華俱被一人占盡耶范曰然吾誠不肖固不若君家上祖校書濤穢名

流播使子孫得以伶俐過人

得罪阿哥

某業織冠兄係武生而子青其衿報至日校齒幾折賀者畢集兄亦在座某歎歎曰去冬有來勸兄應武試者予私謂兄苟有志何至習武邇觀有庠生半皆喪檢卽有頂帶有何榮耀且白沙在泥與之皆黑矣今得微倖竊喜前言非謬時方彥臣在旁曰君言然哉然不爲令兄地乎某抱慙同洞獨連聲曰阿哥得罪

提督屬對

戊辰阜提督駐郡修葺世英堂武廟恭譔楹語曰忠義勇謀志高安天下英名一世威佛萬古傳又演戲作對文官百姓喜的是風調雨順武將兵丁樂的是國泰民安贊於學臣萬公萬重

拂其意借贊之中營某請再斟酌皂怒曰吾已就正文宗而汝
嫌玷疥叩某口張不能嚥遂以金作字丹漆煥然明日校射策
亭名臥虎亭又作聯曰文武盤桓國家事屬對未得環顧左右
有侍卒跪對開弓射箭樂太平大真稱工亦倩人書之今皆儼
然懸挂

風鑑

有風鑑者來珠溪陰與居停約來相者默遞消息談遂奇中一
道士俟主人他出盛服而往置銀曰中則贈否則讓斥無怪道
士固儀容沛艾相之曰富曰貴曰壽稱譽不絕適主人歸微示
以意而茈茈詞益工謂現爲孝廉幾年或進士幾年擁旄節贊
綸扉主人周章於後旁觀皆笑談畢乃高聲曰師太我之極口
稱揚者不過欲得此一錠耳卽納銀於袖

張子白

張子白設帳于山周氏課徒暇專事佔畢或通音無寐兩隣俱作東極阜落國人漸謂周君家自請張先生防夜之犬可以不畜

倪蔡相謔

倪子木嘗謂蔡補亭曰朱子何以注蔡大龜也蔡曰亦猶注倪爲小兒也

應試

子同友八人應試過澣關土人疑爲梨園子弟問何處演戲僕答曰南京貢院中一友曰子等本皆傀儡未知何人能做一場好戲耳

剝指

曩在雉盧場遇一客其甚豪自謂善五木訣一擲百萬晝夜無
倦色人見其將指中斷宛如刀切詢之曰昔年戒賭時所剝也
聞之失笑

梅影夫人

孤山林和靖祠塑女像爲偶題曰梅影夫人或戲之曰何不兼
塑仙鶴郎君兩般秋雨庵隨筆下同

不白之冤

陳句山先生年逾耳順鬚尚全黑裴文達戲之曰若以年而論
公鬚可謂抱不白之冤矣

伯夷叔齊

張船山太守在登州試士以伯夷叔齊命題有作每字二比者
先生題俳語其上云孤竹君哭聲悲叫一聲我的兒子呵我只

道你在首陽山下做了餓殺鬼誰知你被一個混帳東西做成一味吃不得的大磔八塊可爲噴飯

乙亥 新娘八字

明王完虛中丞初仕鄒平令與章邱接境偶見章邱令聞公年答云乙亥回問之亦云乙亥公笑曰某是鄒平一審兄便是章邱一審又有賀新婚回者人間新人容貌如何曰未言其貌先言其命辛酉戊辰乙巳癸丑也蓋皆取諧聲爲戲

偷兒行樂

有詠梅花句云三尺短牆微有月一灣流水寂無人一輕薄子見而笑曰此一幅絕妙偷兒行樂園也

師也過

金棕亭教授揚州儿名士投見無不文酒流連飲饌極豐或有

誚其過侈類黠商不似廣文苴蒔者或曰師也過商也不及坐客爲之哄堂

洪稚存詩

洪稚存詩才奇險好作驚人句有人仿其體云黃狗隨風飛上天白狗一去三千年

筆客

有筆客生子肥碩或謂之曰羊豕鬼毫加功選料此家用貨非比賣門市者又書客生子酷似其貌一人熟視之曰原板初印神氣一絲不走其非翻板贗本可知均本地風光也

張獻忠文 黨太尉寫真

宋黨太尉令匠寫真既成怒曰我前畫大蟲猶用金箔眼我便消不得一副金眼睛見江幾隣雜說張獻忠尊梓潼帝君爲始

祖命翰林作冊文皆不稱意乃自作云你姓張咱囉子也姓張
咱與你連了宗罷見綏寇紀略武人口吻可笑如此

嘲王伯穀

王伯穀有句云山上杜鵑花作鳥墓前翁仲石爲人客倣其體
嘲之曰身上楊梅瘡作果眼中蘿蔔爲花蓋王時患惡瘡而
一目又微障云

村學堂詩

海昌郭臣堯曾爲捧腹集有村學詩云一陣烏雅噪晚風諸徒
齊逞好喉嚨趙錢孫李周吳鄭天地元黃宇宙洪千字文完翻
鑑略百家姓畢理神童就中有個超羣者一日三行讀大中末
句尤趣甚

大老二老

吁嗟閣兮

有兄弟二人雙生其友往往誤認一日遇其兄遽呼之曰二老知之者曰渠大老也其人曰總是一般的二老者天下之大老也又有一家舉殯窮極侈靡有述之者曰喪事從未有如是之闊者坐中一人曰此所謂吁嗟闊兮不我活兮是皆以輕語爲詆諧也雖足資劇然亦是侮聖人之言

集對

某太守清苑人曾令涇縣頗貪酷一日辰起見廳事貼一對云彼哉彼哉北方之學者何足算也戒之戒之南人有言曰其無後乎

器

天啓朝魏璫生祠徧天下山東巡按李精白祝詞云堯天巍蕩帝德難名巍字山移下書懼壓上公之首也此等諂媚真是想

空心血者

俳語

朱二泉孝廉仁和人性蘊藉而善諧謔一夕京邸小飲座皆杭人以笑詰爲令時二泉樹竿曝衣而插於木礫衣重風緊屢屢吹倒一人曰須用石礫方可不動一人曰石不動乎何以染坊元寶石吾見其自朝動至夕也曰彼自有人腳踏故耳曰城隍山紫陽山每日千萬人腳踏何以又不見其動也曰彼乃大而實心故難動耳曰然則城河橋梁皆小而空心者何亦日踏而不見其動也按此俳語亦有所本見艾子雜記

家書

代巾幘寫家書虞政也余幼時曾爲一親串寫寄夫書口授云
牙兒們俱利便
猶言解事也
新買小丫頭倒是個活潑兒作事且

是滿煞猶言快惟雇工某人係原來頭週身僵爬兒風余曰可改
竄乎曰依我寫遂連篇別字信手塗抹與之此與軒渠錄所載
極相似

河豚贗本

米元章好摹易他人字畫楊次翁守丹陽元章過郡楊作羹以
飯之曰今日爲君作河豚元章遂疑而不食次翁笑曰其實他
魚公可無疑此贗本耳其詆諧特妙

活孟子

明陳白沙以學爲學倡其學一宗濂洛姜進士麟者始見白沙
曰吾聞他人多矣如陳先生者耳目口鼻人也所以視聽言動
非人也人問之輒曰活孟子活孟子云

不能詩

唐張道古名睨博學善古文讀書萬卷而不好爲詩曾在張楚夢座上久旱忽雨衆賓詠之道古最後成曰亢陽今已久喜雨自雲傾一點不斜去極多時下成此真不能詩者矣事見張鷟耳目記

富翁語

吾鄉有富翁喜作刻薄語嘗曰錢財吾使役也百工技藝吾子孫也官吏縉紳亦吾子孫也人有詰之者翁曰吾以錢財役使諸子孫有不順命者乎語雖刻薄而切中人情屢聞叢話下同

闌玻璃 明遠堂

太倉東門有王某以皮工起家至巨富構一樓求吳梅邨榜額題曰闌玻璃或詢以出典梅邨曰乃道其實蓋東門王皮也聞者大笑又將心餘題一醫者之堂曰明遠堂人問其典曰予不

聞不行焉可謂明也已矣不行焉可謂遠也已矣尤妙

南風五兩輕

國初某監祭戀一優接枕者五六夕賞以五金其人不悅聞者曰此王右丞詩已說其難矣問何詩曰惡說南風五兩輕

歇後詩

吳中某秀才在學幕中忽折其臂痛苦萬狀作歇後詩云拋却刑于寡妻來看未喪斯文止因四海困窮博得七年之病既折援之以手全昏請問其目且過子游子夏藥甲曳兵而走多以虛字押韻匪夷所思

牛姓

紀文達善諧謔有天津牛太守爲子娶婦紀與中表送喜聯云繡閣團圓同望月香閨靜好對彈琴初尙不覺也旣而來賀指

之曰我用尊府典故何如

小字

崇明張南溪身長八尺同時有王鍊夫沈芷生俱短小三人莫
逆往來相隨每玉峰試行道上王在前張在中沈在後諸少年
目爲小字癸卯沈中解元以去則又目爲卜字後鍊夫召試賜
舉人遂成一字矣今諸生尙以此爲笑談

罵學官

松江張公星爲諸生嗜酒而狂嘗夏日浴於泮池門斗禁之不
聽兩學師出呵之張以汙泥浮藻覆面赤身立水中兩手擊水
拒之學師怒令作此亦妄人也已矣題文張援筆立就後二比
出股云此其人不可以教諭者也對比云此其人不可以訓導
者也此亦妄人也已矣兩學師愈怒然竟愛其才仍釋之

夾帶枷號

乾隆某科會試有舉人甚富以夾帶枷號有同年友嘲之曰既富矣又何加焉

賣鹽官

海鹽張穆菴都轉一日呼騶出署有老婦攔輿訴夫置別室者公笑遣之曰我是賣鹽官不管人家吃醋事

金腿詩

友人陳斗泉打油詩云金腿蒙君賜舉家大笑歡柴燒三擔盡水至一缸乾肉似枯荷葉皮同破馬鞍牙關三十六個個不平安真所謂鍊字鍊句音節鏗鏘者也

店聯

睢州一帶育酒店聯云入座三杯醉者也出門一拱歪之乎夏

鎮人家門聯皆書五湖天馬將四海地龍軍十字武昌城隍廟
大匾書不其然而四字濟南有酒店曰者者居詢所指則近者
悅遠者來也皆可笑

下第詩

唐青臣下第詩不第遠歸來妻子色不喜黃犬恰有情當門臥
搖尾讀之令人失笑隨園詩話下同

山谷詩

余不喜黃山谷詩而古人所見有同者王弼州曰以山谷詩爲
瘦硬有類鹽夫脚根惡僧繫杖余嘗比山谷詩如果中之百合
蔬中之刀豆畢竟少味

仿詩經

今人附會聖經極力贊嘆章雋齋戲仿詩經云點點蠟燭薄言

點之點點蠟燭薄言煎之注云煎煎去其煤也聞者絕倒

七事詩

湖南張少廷尉璫權奇自喜嘗戲題云書畫琴棋詩酒花當年件件不離他而今七事都更變柴米油鹽醬醋茶殊解頤也

書書書

稅關書吏巡查如捕役緝賊虎視耽耽但一見書便索然姚雲上作七古前四句云劬勞王事前旌一驅咄咄星夜關山踰笋束牛腰橐負載關吏疾呼書書書殆神來之筆

荆公句

王荆公最得意句青山柵風坐黃鳥挾書眠余以爲上句是乞兒向陽下句是村童逃學

方人

秦紫峰與客觀方竹客曰世有方竹無方人紫峯曰有曰何人曰子貢問何以知之曰論語云子貢方人

春色

廣東珠娘無一可者余偶與龍文弟上其船意致索然問何姓名龍文笑曰皆名春色余問何以有此美名曰春色惱人眠不得

學聖人

有學究言人能行論語一句便是聖人有紈袴子笑曰我已力行三句恐未是聖人問之乃食不厭精膾不厭細狐貉之厚以居也

村學詩

成戲村學究云漆黑茅柴屋半間猪窩牛圈浴鍋連牧童八九

縱橫坐天地元黃喊一年末句趣極

對聯

對聯有解頤者廣東海珠寺塑金剛與彌勒同坐聯云莫怪和尚們這般大穰請看護法者豈是小人江西某題發濟院云看諸君腦滿腸肥此日共餐常住飯想一樣鐘鳴鼎食前生都是宰官身

畫臥 三乳

解李瀛善畫有人聘往寫真而主人久臥不出解戲改蘇詩贈云無事此靜臥臥起日將午若活七十年只算三十五又山陰人有三乳者金上清進士調之云胸羅星宿素襟披下字成文亦大奇四乳曾聞男則百君應七十五男兒

小像

彭湘南嘗畫小像室中一叟獨坐有偷兒持斧穴洞而窺名曰竊比於我老彭圖見者大笑

嘲時文道情

吳江徐靈胎有道情刺時文云讀書人最不濟熾時文熾如泥國家本爲求才計誰知道變做了欺人技三句承題兩句破題擺尾搖頭說道是聖門高弟可知道三通四史是何等文章漢祖唐宗是那一朝皇帝案頭放高頭講章店裏買新科利器讀得來肩背高低口角嘯啼甘蔗渣兒嚼了又嚼有何滋味孤負光陰白日昏迷就教他騙得高官也是百姓朝廷的晦氣

用史語

人家作醬瓿頭必書姜太公在此五字余嘗疑之孫文和秀才笑曰君豈不知太公不能將兵而善將將乎又過張息侯家見

其奴攜燈籠上題願有此耳四字兩用史語令人莞然

得詩題

尹氏昆季皆能詩一日文端退朝召雨峯曰奉命和春雨詩汝可擬稿來明早帶去黎明公將朝諸公子侍公忽向雨峯拱手曰汝詩大好回顧婢曰速煨我吃的蓮子與三哥兒吃雨峯大喜四公子樹齋笑曰我今日又得一詩題矣諸公子問何題曰見人吃蓮子有感

雙白茶

康熙間汪東山釋精舍學嘗自題燈籠曰候中狀元某後果大魁天下在京師時與方靈臬湯西厓蔣南沙齊名三人皆疏放方獨迂謔時相抵牾堂上挂沈石田芭蕉一幅所狎二美伶來錯呼白茶人因以雙白茶呼之方大加規勸先生厭之乃署其

門曰候中狀元汪齡靈臬免賜光庶幾南蔣或者西湯晦明風
雨時來往又何妨雙雙白茱終日到書堂

椒椒

桐城張映沙若濂備儻負氣曾作熱河巡檢以杖太監特擢
河北同知者性雖剛正而喜談諧桐城俗呼叔爲椒椒其族弟
曾敝編修鄉試分房有叔某爲大興縣丞遵例迎送榜後門生
有獻狐裘二襲者映沙賦詩嘲之云 恩旨分房第一遭馬前
迎送有椒椒鹿鳴宴罷懷銀器虎榜人來捏紙包白髮門生雙
膝屈藍圈文字七篇高莫言分校無他樂夫婦同時著二毛

眼鏡詩

有人咏眼鏡云長繩雙耳繫橫橋一鼻跨或云終日耳邊拉短
絛何時鼻上仰長枷均可笑

題圖

諸七裏檢討性迂傲有人求題圖開卷見齊大風侍郎周蘭坡
學士先題吳心有所校大書曰齊大非我耦周衰已有髭兩人
都已寫何必再題詩

詩太甜 打油

雅謔自佳或以詩示仲小海仲曰詩佳矣可惜太甜其人問故
曰有唐氣安得不甜蔡芷衫好自稱蔡子以詩示汪用敷汪曰
打油詩也蔡怒曰此文選正體何名打油汪曰菜子不打油何
物打油

討蚊檄

有童子作討蚊檄云成羣結隊渾身流氓之形鼓翅高吟滿眼
時文之鬼蓋憎其師之督責時文故也語雖惡恰有風趣

見上司

一舉人截取山東某令初謁上司猝無酬對忽問曰大人尊姓
上官甚駭強應曰姓某令俯首久之曰大人之姓乃百家姓所
無上官益駭曰我係旗下貴縣未之知耶令復起立曰大人在
何旗曰正紅旗耳曰正黃旗甚佳大人何不在正黃旗上官怫
然怒問貴縣係何省人曰廣西上官曰廣東甚佳貴縣何不在
廣東令愕然趨出翼日即勒歸改教到任僅一月耳涼棚布話下
同

相傳有暑中謁上官者揮扇不輟上官惡之因曰天氣熱可
寬衣既去外袪仍復揮扇上官曰何妨再脫固辭不獲遂去
袍子而猶揮扇也上官復曰可更脫衫子堅辭不敢上官令
侍者代爲緩扣又談有頃而出人見之咸駭笑則緯帽固猶

在頭上也始晤上官蓋有意苦之耳此尤可笑附記

詈僕詩

雙溪漁隱作俚語四律詈僕云今年命運合當灾撞着腌臢惡
殺才指控茶甌添黑漆手翻豆腐印煙煤遮臀草布常遮飯抹
盥麻巾又抹拾更有一般可笑處搨燈常帶滿頭灰鈍僕由來
懶性多人家那得懶如他隔旬油碗常留竈過午殘糜尙在鍋
板蓋生塵從未拭厨刀上鏽不曾磨近來學得痴呆計呵罵由
伊更奈何面皮黃腫氣昏騰擦擦鍋煤像竈君坐起斯齁聞鼻
息行來踢禿髻鞋根噉時菜汁連盤啞餓極鍋巴滿口吞料得
腸間難着汝陰司待汝去行瘟看渠惡狀幾多般待我描摹便
汝黥買蜜吃脂偏減刻走跳遲鈍又閒談烘爐半夜燒穿榻送
酒中途打破壘若到年終算工價扣賠定要十除三

巧對

紀文達公善屬對信手拈來出口成趣一日陸耳山學士云適
飲馬四眼井四眼井以何爲對公曰卽以閣下對可乎兩人大
笑或謂公曰京師招牌如祖傳狗皮膏秘製烏鬚藥去風柳木
牙杖滴露樺花頭油學經蒙任附店草創俱全秋爽來學冬季諷經揭袂唐
宋元明古今名人書畫發賣川廣雲貴生軌道地藥材凡此者
旣聞命矣若書坊之老二酉以何爲對公曰汝進正陽門羅城
時試於布傘上觀之至其處乃賣卜者書大六壬三字也蝶階
外史

狄希陳

狄希陳幼時不會讀書而專一侮弄先生亘古以來奇怪頑皮
之事都是他幹將出來一日夏天先生白日睡個晌覺約摸先

生睡濃的時候他把那染指甲鳳仙花敲了一塊加些白礬恐冷的驚醒了先生却在日色裏晒溫了輕輕的放在先生鼻尖上又慢慢按的結實先生睡起一覺來那花已蔭得乾燥印在一邊先生曉也不曉得只是染得一個血紅的鼻子先生照鏡見好好的把鼻子醮了悶悶不快那曉得是他弄的神通茅坑邊一根樹橛先生每日扳了那樹橛在坑上橛了屁股解手他看在他裏一日起了个早拿刀把樹橛根上周圍削細仍舊把土遮了先生吃過飯又上坑解手三不知把那樹橛一扳腦栽葱跌的四馬攢蹄仰在坑內掉不起來小學生又沒本事拉他只得家去叫了兩個覓漢不顧齷齪拉起來脫去衣服借了狄員外上下衣身換上把糞浸的衣裳足足泡洗了三日這臭氣那裏洗得淨狄員外再三賠禮只好將那一身衣裳賠了先生

一日先生有朋友來同着出去狄希陳爬在院子裏槐樹上頭
耍先生忽然走了回來熱得通身出汗解了衣服掇椅子放在
樹下乘涼他見先生坐在此不敢走下尿急了從樹上呼呼的
溺下來先生伸了頭正在打盹可的灌了先生一口先生喚
下來打了一頓一日放了晚學走到山溪裏洗澡看見先生來
了他把河裏的泥帶頭帶腦抹了遍身先生乍見吃了一驚細
看方知是他問說你洗澡便了却爲何滿身塗了泥他說我若
不塗了臉面恐水裏鑽出龜鼈來要認得我哩先生又是可惱
又可笑一日見先生坐在那裏看書他不好睡覺粧了解手走
到茅廁裏門了門在門底下鋪了夏布褥子在那裏夢見周公
先生肚子痛欲解手走到門邊知是開的只道有學生解手走
了回來肚中漸痛得緊又去了去廁門仍不開又等了一大會

查問何人在內單不見狄希陳先生愈痛愈急叫那門樊噲也
撞不進去人說先生發出恭你快開門他說哄哄開了門好教
先生打我先生說你快開了門我不打你他說果真不打我先
生你發个誓我才開門先生又不肯說誓聞不容髮之際先生
一腔大屎盡撒在褲襠之內極得先生踉了踉脚自己咒罵道
教這樣書的人比忘八還是不如同窗口號曰孔門三千徒弟
誰如狄姓希陳染鼻溺尿削撇專一侮弄先生狄希陳年紀大
了越發機械變詐無所不爲做秀才時同學官到五里鋪上迎
接宗師在一個大寺等候他悄地把學官的馬一蹬一蹬的牽
到那極高的一座鐘樓上宗師將近教官要乘馬前迎再尋不
見馬鬥到鐘樓上那馬正站在那裏誰知那馬上樓易下樓
難直費事雇了許多人把馬捆了脚方抬得下來馬被捆麻木

不能即時行動宗師已近教官只得步行了數里查不出牽馬的人也只罷了又一日往學裏去撞見一人拿了一籃雞蛋賣他叫住了商定了價錢要把雞蛋見一清數叫賣蛋的把兩隻臂抄一個圈安在馬臺石上他自己把雞蛋一五一十數在那圈內既數完了他說我去取籃來盛就與你錢却從東邊學門進西邊橋星門出一直回家去了哄得賣蛋的蹲在那裏坐又坐不下起又起不得手又不敢開孩子們你拿一個飛跑我拿一個飛跑漸漸得教化子都來搶奪直待一好人走來替他拾在籃裏方始了事城內有座大高橋一個老人挑一挑糞哭過橋來他一把拉住說你有年紀了怎過得去你扯出担子來我與你逐頭抬過去那人道相公真個好心想我是慣的不勞相公垂念他說我不遇見就罷了既遇見了心上不忍若不遂我

心願我覺也睡不着的老者安之我與你抬一抬何妨不由那人不肯替他抬過一筐他却說道你略等一等我做點小事便來一溜而去哄得那人久候不至兩筐糞一在橋南一在橋北這樣臭貨又沒別人肯抬只得來回七八里叫了他婆子來抬過那一筐方纔挑了回家醒世因緣傳

嘲射鵠

多九公道向在海外曾吃一箇大米寬三寸長一尺過後精神陡長一年不食後聞宣帝時背陰國來獻清腸稻每食一粒終年不飯才知其名林之洋道怪不得今人射鵠每每所發的箭離鵠還有一二尺遠他却大爲可惜只說差一粒米俺今才知道他說差得一米却是煮熟的清腸稻唐敖笑道煮熟二字未免過刻鏡花緣下同

公冶弟兄

有行酒令而坐客忽作土音者或說笑話曰有公冶短者去見
長官長官道公冶長能通鳥語你何所能對以能通獸語適有
犬吠之聲長官道你既能通獸語可知此犬說甚麼公冶短聽
之良久皺眉道這狗滿嘴土音教我怎懂或又代人說笑話曰
有公冶矮見長官長官問所長即公冶短之弟也亦通獸語正
在談論適值驢鳴長官問何說公冶矮道他說他不會說笑話
合坐大笑又強之說則曰有公冶姓者也通獸語這口正向人
賣弄其技忽聽猪叫人問他說甚麼公冶姓道他在那裏教人
說笑話哩

害眼睛

一官初到任上堂審事原被告各執一理官因說道你們的話

本縣都不明白今先據原告的話打被告二十板子那被告的話也還有理再把原告亦打二十板子這件事就可結案了官正欲退堂那書吏皂役都上來告假官問爲甚麼事都回道告假回去昏眼睛官哼了一聲道我看你們兩個眼睛都好好的怎說害眼睛那書吏皂役稟道老爺的眼睛看着小的是明明白白的小的們眼睛看着老爺却是糊裏糊塗的補紅樓夢

封翁

吳俗田房交易作中者曰螞蟻有賈某業此卅餘年家小康買竈下婢生子以八字乞某孝廉算之某故善謔謂曰令郎英造必大貴汝他日當作封翁買信之督課甚力而兒性慙年十八惟大學三頁粗能成誦人或問令郎讀左傳否賈曰今讀右傳矣蓋日聽其誦右傳首章右傳二章故也後值賈八十生辰衆

客稱祝某孝廉亦在坐賈疑其言之不驗復理前說某曰君頭
銜已貴何必倚佳兒博封誥賈問云何某曰中人科中人升
賣田司主事外擢合同府知府例封文契晉封草議大夫衆
客聞堂大笑賈始悟其戲而封翁之想乃絕諧譯

騙帽

蘇州通貴橋邱姓言郡中富室兒頭戴一珠帽值數百金乳媼
携立廳事一人盛服昂然直入謂兒曰叫聲公公乳媼亦曰阿
官叫聲公公其人曰不叫公公要取汝帽兒遂戲揭其帽執手
中曰不叫公公取帽兒去矣以其帽置懷中緩步下階曰真個
取帽兒去矣遂自庭中昂然竟出復回身立於門外曰不叫公
公取帽兒去不轉來矣乳媼又謂兒曰阿官叫聲公公公公好
還汝帽兒意謂戚黨長者與兒戲也候久不復入出視之杳然

笑吹影攝

糟督

許秋崖先生由粵西撫改漕督道經長沙例用儀仗善化承值者於衙牌上誤漕爲糟先生行後寄詩云平生不作醉鄉侯況復星軺速置郵豈有尙書兼黜部漫勞明府續糟邱讀書字要分魚永過客風原似馬牛聞說新銜已遷轉武岡可是五鉅州蓋善化令某已擢武岡刺史故末句及之春宵囑語

楊雄石秀

興山有獄久未結大府提至省安阿郡伯冷司馬會鞠仍以原辭上大府委員復訊乃盡翻前讞以仇殺報阿冷二君被議褫職時有楊逢聖者性剛直寓與石赤霞最近兩人交最深臺以楊雄石秀目之每逢二人偕坐必問以巧雲安在楊聞阿冷被

斥氣憤大言曰何物委員坑人至此卽吟云安得上方斬馬劍
語未畢一友應聲曰翠屏山上殺迎兒閣坐大笑

一錢不還

劉鹵若任江夏頗有廉名而私負多不能償一日奉檄鞠孝感
訟案有素封者持多金餽鹵若却之而結案頗速其人感無以
報以一錢不還額懸之大堂蓋取劉氏故事以頌也越一夕額
上選字忽易爲還字遂成一錢不還矣知爲索逋者所調弄不
意守錢奴解作此韻事

郡伯詩

田輔廷郡伯與張梧岡曾及昔時部中同事在竹林寺談道者
今一爲兩浙運使一爲衡永觀察一爲某省方伯而我獨守此
郡不勝今昔之感因吟曰竹林談道幾多時運道藩台我府知

梧門曰知府二字倒用自係因讀而起但嫌不甚現成詩以成語足之善惡到頭終有報只差來早與來遲聞者傾倒

江陵縣詩

江陵有匿名揭帖索星使按臨查辦王右圃時署縣事應接紛紜日不暇給竟置催科於不問賦詩云鍋有千般罄惟今罄得兒大差方袞袞巨案似淘淘糧櫃何時啓漕倉盡日封微員何所戀革職也稀鬆

王姓詩

劉觀亭言及寅好中王姓最多有新舊二詩可證舊詩曰三槐舊族實堪誇聽我從頭說幾家小二沿門敲鼓板老人叶到處送琵琶已無道士能降怪剩有虔婆慣賣茶地下若逢韓搗鬼豈宜重尚後庭花新詩曰天下三橫總一家不妨東扯與西拉

笑笑錄

卷五

二十四

祥符縣舊爲明府辛卯科曾中探花三叔信來平緬甸大兄書
至任期嘉有朝走上憲官殿五百年前老阿爹其所云必有所
指惜未詳其事

屠子

有鼓刀起家者其子習舉子業就正於某太史太史評其文曰
有骨力有勛兩置之案頭咀嚼不厭其人大喜徧示鄉人有直
告者反怒而斥之此太史可謂惡作劇矣

馬桶詞

偶偕數友會鞠訟案座中有欲大解者或詢屠湘亭曰貴鄉無
論男女皆用眉公馬桶而婦女所用尤精習俗使然耶曰然若
未聞黃鶯兒詞乎讀臨之詞云金漆鐵箍腰貼香臂坐阿嬌渾
如仲放中軍帽紅蟬嬌小巢翠茸茸細毛依稀露出淋鈴調滌

辛騷夕陽影裏疏竹響蕭蕭闌堂大噱彼欲大解者亦遂止

按相傳末句或注云蕭蕭馬鳴也蓋吳人謂滌馬桶曰蕭實巧合耳

候補縣知縣

方竹濃謁方伯孟素謁方伯笑向曰頃見一稟牘官銜自稱候補縣知縣未知何府所轄時一候補知府在坐應聲云當是卑府屬下方伯爲之解頤

漢朝腦袋

竹濃又云一友臉奇黑痘瘰多如錢大眼淚終朝不止而聲頗清越談鋒甚利嘗自詡云我聲音嘹亮口才敏捷晉人清談當不過是旁一友曰足下聲音漂亮固是晉人清談足下面孔嶮崎歷落滿裹包漿非漢朝腦袋即聞者絳倒

大大人

一縣尉爲江南顯宦胞兄每同人曰我在江南著中人皆以大大人呼我君輩休小視也方暢弇曰足下本身有一絕對知之乎其人聞之暢弇曰吾輩見大府則稱卑職足下見我輩又稱卑職足下非湖北卑卑職江南大大人乎

下回不敢來了

一名進士奉部檄來楚督謁方伯默無一言頗辭出方伯送至堂星下大衆前行忽獨留後方伯疑其別有所陳詢之無以答讓之行則又却固讓之乃鞠謂云大人如此謙恭下回不敢來了

忘八罵人

某明府口才似給郡守某更儼脫一以與某機鋒相對兩不相

下一日某爲郡守所嘲揄嬉笑怒罵正不能堪而郡守方揚揚得意顧某曰知公善謔何不縱談以博一粲某佯稱不敢郡守促之某曰有一鄉老思作狹邪淫詢知有大開門半開門之別適入城見一家扉半掩遽排闥入揭坐解腰纏呼錢樹子出見主者怒罵之欲飽以老拳乃駭而奔其人究茫然未明何故問人曰適則罵我的是忘八否

糧道觀風

周介夫云各衛所爲糧道屬員道署有公事必懸牌曉示衛弁探差者卽走告本官得以先期預備一糧道新任懸牌觀風題爲視其所以一章探差者告衛弁云新創三衛所後面話尤非吉語已另補新官矣各衛弁大驚問新官何姓所示何話探差曰一爲視其所以老爺一爲觀其所由老爺一爲察其所安老

爺後話則爲人馬瘦哉人馬瘦哉介夫之詞未畢同人大笑至有脫頰頰而捧面者

荷校聯額

一生員爲人代倩事發荷校百計求脫不能得因仿健於刀筆者苦祈之其人曰此當以風雅動之於柳上書額曰瓊林獨席又書聯曰坐破寒毡從此漸入佳境與架額同音聯穿鐵硯而今才得出頭學使見之笑予省釋

通家浜

某生絕穎悟嘗與同人閒步見裝潢店貼對聯款書通家卷三字某問何典友曰源頭我未攷大約不出五經內昔陳靈公淫於夏徵舒之母朝夕往夏氏之邑故詩曰陳常於時夏無此疆而界疆界都無非通之謂歟陳常於夏非通家卷之謂歟某曰

君論明白曉暢遂深服之既而就館於楊安浜暇日出游遇前友各道闊悵因詢近况某曰近在通家浜課徒友曰改日造訪一揖而別越日友於城內外徧訪通家浜無有知其地者友亦置之後兩人又遇友曰君所云通家浜果有其地乎何無一人知之某曰僕館楊安浜以二字不雅故隨改之友曰楊安二字何以不雅某訝之曰自君言之而遂忘之耶天寶宮中故事耳友爲之狂笑夜就船下同

脫調

京師王阿鬍子極勢利寓某胡同時有兩姪來候一秀才一童生王留秀才飯聽童生自去好事者以時文譏之云惜也王二僅得爲秀才也假令其上而爲舉人爲進士爲翰林王阿鬍子方將掇髻捧屁之不暇而甯止於留飯幸也王三猶得爲童生

也假令其下而爲皂隸爲奴僕爲乞丐王阿鬍子且將揮拳勒臂之不暇而甯止於不留飯此話舊矣人曰此爲脫俗調蔣心餘空谷香樂府江都令魯學連舟次錢唐得詩二句云袖中吳郡新詩本襟上杭州舊酒痕某生素滑稽近鄰富翁從羊毛場遷由斯弄由斯俗作牛屎生贈詩二句云袖中牛屎新詩本襟上羊毛舊酒痕予曰此可謂脫雅調

顧騎龍

余叔家閩人顧騎龍狀極醜而性醇雅耽書籍斷簡殘編珍如拱璧并喜作詩信口脫出綽有情致記其販瓜到我家來嘗予以賣瓜爲題試之應聲曰郎君端的買西瓜儂買西瓜價不差包拍大紅兼蜜練竹爐無用再煎茶予贊歎之騎龍喜述其近作云佳人獨宿千千万才子孤眠萬萬千老天若肯行方便兩

處牽來一處眠余爲大笑

阿連

凌某歸安諸生其父業估有僮阿連略識之無油嘴滑舌主人每寬縱之值生秋試後錄文質諸名宿皆大贊必售獎語累牘生喜不自勝而阿連在旁揶揄不止且謂乃翁曰官人必不中翁問故曰名宿所決必不謬翁問生則文中並無訾議也亦置之後竟康了翁乃呼問之阿連曰名宿所評必不謬爹不見其跋語乎翁取閱仍不解阿連指跋中脫去叮畦四字曰脫去釘鞋豈有響屣無響聲不中也名宿決之良不謬杭人傳爲話柄

杜康廟

諸酒人議立杜康廟破土日掘地得碑時諸人已入醉鄉見有同大姐字樣遂添設後寢居然爲杜夫人矣落成後請縣令拈

笑笑錄

卷五

二十八

香令至後寢以碑大駭曰此周太祖碑也亟移廟外夜夢一衰
冕者來謝令詢之曰我是前朝周太祖錯配杜康爲夫婦若非
縣令親識破嫁著酒鬼一世苦閒者絕倒皆大歡喜下同

盲詞

相傳一秀才喜看盲詞屆歲考題係子曰赤之適齊也至與之
粟九百辭生援筆立就文曰聖人當下開言說你今在此聽分
明公西此日山東去裘馬翩翩好送行自古道雪中送炭爲君
子錦上添花是小人豪華公子休題起且表爲官受祿身爲官
非是別一個堂堂縣令姓原人得了俸米九百石堅辭不要半
毫分案出置劣等

又見廣新聞紙載亡人無以爲寶題文有舅犯出班啓奏曰
云云與此同一機杼均可發笑

小青

拆博字爲小青本無其人其傳及詩虞山譚生所作流傳日久
演爲傳奇至有以孤山訪小青墓爲詩題者真如落鳳坡弔龐
士元同一可笑

雅片癮

作勞人年老病多遇節氣使發世謂身上有一本大清時憲書
服雅片人日久癮深差時刻不得余謂身上有一座西洋白鳴
鐘

聘齊圖

晉郤克眇魯季孫行父禿曹公子首僂衛孫良夫跛聘齊之役
適然相值謂四人不幸而俱聘於齊又不幸而有齊君與其母
之無禮使眇者御眇禿者御禿僂者御僂跛者御跛令百世下

猶爲失笑然無此則四人不傳又不幸中之幸惜時無好事者
繪作一圖也

一毛不拔

鍾呂二仙飲於肆每遇一人雅相親熟入坐共飲鍾疑爲呂之
友呂疑爲鍾之友其實皆非也二仙具知之一日復飲於肆其
人又來益加熟悉鍾欲難之因出一令曰口耳王聖人飲酒亦
何妨壺中有酒盤無菜言至此卽向純陽背上拔出利劍自剗
臂肉一塊置於席間曰借汝青鋒割一方次至呂仙接令曰臣
又貝賢人飲酒亦何碍壺中有酒盤無菜言至此亦拔劍剗臂
肉置席上曰自把青鋒割一塊次及其人其人苦思良久因曰
禾火心愁人說與聖賢聽壺中有酒盤無菜言至此向眉間拔
數莖置之席曰拔把眉毛當點心二仙不允曰我輩俱是剗肉

相待足下何僅以眉毛了事其人曰小弟苟非二位大仙面上
一毛尙且不拔今蘇州有絹人黨者類皆衣服鮮明風流白賞
遇一面交亦殷勤倍至實誘爲浪蕩以沾餘潤若輩則守定一
毛不拔之戒落得一生花底活耳或戲問之曰願聞子之志曰
帶肥馬衣輕裘與朋友鬪費之而無算

題額

有富戶新起大宅央人題額堂曰嘉客軒曰景得齋曰尙和其
子已延師授讀父令誦之子皆倒讀曰堂客嘉軒得景齋和尙
其父因惡而易之

名實不符

名不副實聖人有觚哉之歎余浮沉鄉里街談巷語熟聞於耳
核諸名實輒不相符摘數條以見一斑俗兒座地卷帙全無輒

曰書房醫士堂中膏丹烏有動稱藥室頽唐晚景赴州郡之試
必號童生綽約妙年到奴隸之儕每詆老僕爭呼馬面恰是猪
頭通號象牙原來駝骨浩然巾戴笑人頭上羅漢裙束浪子腰
間天然儿刻意雕花自斟壺殷勸勸客公然束帶猶說斷鉤現
在插花尙云簪洗武士被雀衣而射鵲佳人裹馬甲以調鸚女
清客定曰官人小尼姑必稱師太稍知脉理呼作郎中大有資
財尊之員外開叢林於市上目以山門鑿方牖於壁間指爲月
洞思之真堪失笑

可笑事 怪事

醜婦監妝豪奴僣佛老和尚爭鐵錢小道士作法事酸秀才入
妓居大夥計官場大老愁貧微員學樣那愚儒制報市儈咬
文字醜婦吃心齋怪人說大話田舍翁結紉官婚姻會醋吏嗜

名人書畫皆可笑。惡後生不讀書而老者讀書胥吏子孫應舉而宦門不習舉業貧者妄用而富者節儉饕食者憂慮而肉食者泰然僧道食葷而俗人茹素真咄咄怪事

葷詩

松陽縣詩人程渠南滑稽之士也與僧同食葷僧曰聞公素有詩名請賦此渠南應聲曰頭子光光脚有丁祇宜豆腐與菠菜釋伽見了呵呵笑煮殺許多行脚僧二人大笑而起

公餘勝覽下同

買靴

馮道和凝二人同在中書和買靴用錢一千八百馮買靴用錢九百一日和問馮曰公靴新買其值幾何馮舉左足曰九百和性褊急顧吏責曰吾靴何用一千八百馮徐舉右足曰此亦九百其善於周旋人如此

唐時對

唐閻立本精於畫朝野珍之既而輔政全無宰相才時有姜怡者以戰功至左相人爲之語曰左相宣威沙漠右相馳譽丹青

諱

錢良臣子改讀孟子今之所謂參參者古之所謂民賊也非諱之乃罵之矣滿道門客講道德經不敢說可不敢說非常不敢說演六字爲十二字王僧彥父名師古呼硯曰墨池鼓曰皮棚知嶺南郡一官上謁題刺曰永州司戶參軍李墨池皮棚祇候臨淄令石昂謁監軍以監軍諱石改稱石昂諱之爲害使人不有其名不有其姓并經文俱失其故可笑卷下同

笑哭

陸士衡有笑疾而唐衢以善哭名使同時相遇中坐參以半面

啼半面笑之質獨之定言可觀

卷五

鄉人飲酒內有三老主人以齒最尊者宜首坐各使之年其一曰東天日出亮赤赤照見吾鬚牙雪雪白盤古皇帝分天地吾替以捐曲凡其二曰東天日出亮赤赤照見吾鬚牙雪雪白王母娘娘蟠桃三千年撥一隻是吾吃過七八百其三曰東天日出亮赤赤照見吾鬚牙雪雪白吾親見你兩家頭搭雞屎又來問話騙我老伯伯吳下詭騙下同

土音

嘗過昆陵暖瓜之聲不絕於道多不知所謂後詢江陰羣生曰自泰伯居吳以來輿情愛戴一飲一食不敢忘凡爾我稱謂必涉國姓曰你姬家我姬家音字相渾沿襲至今

笑 笑 錄

卷五

三十二

拙夫

唐拙夫繆學三皆松郡名士一日挾妓共飲妓頗慧唐曰此巧妻也繆曰巧妻常伴拙夫眠亦有出處昔一院姝麗技敏妙貴客過之間其姓曰康字頭呂字脚客曰然則卿乃姓唐也彼姝曰小妾非姓唐拙夫乃姓唐耳舉座大笑

日字令

幼從外父周式堂處習誦書坐者小有才行一令子曰之曰搓搓長乃日頭之日照舉一字搓搓如式者不罰不如式者罰座無一對皆罰之彼自矜壓倒元白矣次令應式堂先生正色曰日頭之日捏捏扁乃子曰之曰須照舉一字捏捏如式者不罰不如式者罰開堂大笑首坐亦在罰中

幼時赴郡試與廩保同廬有童生具贊投保廩勒補苴又索隨禮童生問尊价何在廩不能荅爲主代答曰某老先是一身兼作漢

笋炒肉

嘗錄東坡詩話一則曰無肉令人瘦無竹令人俗若教不瘦又不俗頓頓還他笋炒肉

賞雪詩

外父周式堂戲撰彈詞一則間學士夫婦挈女登梅樓賞雪群婢皆場酒行勸政以黑白分明爲令間公首唱烏鵲爭梅一段香夫人接句寒窗臨帖十三行小姐避席曰纖纖玉手磨香墨侍婢對云點點楊花落硯塘屏後二婢出一云佳人美目頻相盼一云對局圍棋打劫忙又一婢云古瑟瑤琴新玉軫聞公擊

節獎賞末婢備用拘體一句云洋溝滑翻豆腐湯公怒罰跪飲
謂是黑白不分耳

老奸巨猾

國初某中堂聲勢隆赫有張姓富人與其從弟締爲婚姻百計
資將登仕籍因謂其弟曰余與若既爲親家則若兄亦忝在
姻末倘得引之一謁拜惠良多弟曰謁見易易慮君言語獲咎
耳張曰君教我當默記不忘因授以寒暄并頌揚數語令復之
不說遂爲先容越日入謁中堂曰壯年能仕老夫與有榮矣張
面赤汗下蹙蹙而對曰久仰大人老奸巨猾爲朝野所畏中堂
大怒拂袖入從者揮之乃垂頭喪氣而出可笑也 事古難著下同

拜義父

會稽樊階字先生曾六司農有某翰林令其夫人執贄登堂拜

先生爲義父拜畢出懷中珊瑚念珠雙手捧獻先生面發赤疾趨而出某夫人追至廳事圍繫其項座上客滿皆大驚失措越日有人題詩於門曰繼從子第拜乾娘金蓮子中堂妾封淑人夫人其義女也今拜乾爹又姓梁熱鬧門閭新戶部淒涼庭院舊中堂翁如有意應憐妾奴豈無願祇爲郎百八念珠親手奉臨風幾陣乳花香

趙古董

西粵撫軍忘其名有直隸趙相爲廣文三十年推升柳州融令年薨矣謁見時撫軍踞胡床命趙坐廡下趙兩手抱椅於臂偃僂而上直至膝前謂撫軍曰某初至此人地生疏未稔何邑最佳能使某飽囊橐以正首邱乎撫軍微笑曰余之職在黜貪惰而進廉能爲屬吏謀財非余所敢知也同僚因以趙古董呼之數月後緣事勒歸

仇十洲

周讓谷先生乾隆庚午以第一名獲雋主試者新建裴文達公時周姓中者十人人問何以中周姓如此之多公笑曰此之謂仇十洲也聞者哄堂而冷諷

杜荀鴨

西陽雜俎有富家子杜四郎好爲詩號荀鴨以比杜荀鶴又唐書羅昭威傳目己所爲詩爲偷江東集紹威較雅荀鴨噴飯矣

榕堂續錄

三庫大臣

吳退旃尙書體弱畏寒每冬天必著夾褲棉褲皮褲三層京師戲稱爲三庫大臣浪述叢談下同

御史大

古人避諱有絕可笑者而莫甚於楊行密父名愆以與夫同音遂於御史大夫光祿大夫等稱直去夫字尤爲奇創

九錫

近官場中指知縣權同知知州爲卅九錫節相孫寄歸與余數之一爲水晶頂珠二爲白鵬補服三爲朝珠四爲紅繖五爲紅心兩纓六爲紅心拜墊七爲馬前踢胸八爲大夫誥軸而忘其一思索不得或曰尙有宜人誥軸一分可以當之公大笑曰所謂有婦人焉八錫而已

巧對

近年英人之懣或嘲以楹聯云頭上有情彩翠羽胸中無策退紅毛亦巧不可階

賀聯

江南某年五月童試題夫人自稱曰小童有某生初入泮是科鄉試題係君子不以言舉人某生遂聯捷有客賀以聯曰端午以前猶是夫人自稱曰重陽而後居然君子不以言可謂巧湊傳聞係吾鄉繆心如水利部事未知確否

阮園

余嘗問阮雲台師府中之園如何師笑曰我無買園之力卽有之亦斷不買揚州仕宦人家無不有園郡人卽其姓以名之如張曰張園李曰李園我有園亦必呼爲阮園是誠不可以已乎
歸田瑣記下同

松中堂

松中堂筠爲伊犁將軍置夫人於別院院屋三楹中爲堂西爲夫人臥室東爲佛堂公每日五更入禮佛畢坐堂中與夫人啜

茗閒話半時乃出夫人每四更起櫛沐以待之無間寒暑同時
有策大人者公事故簡每黎明起即駕騾車傳食於同寅署中
亦無間寒暑那繹堂時亦在西域嘗戲語人曰我若死入輪迴
必與閻君訂或爲男或爲女或墮畜類惟命之從但不願作策
大人騾及松將軍夫人耳

廣文聯

汪慈庵爲江蘇學政例至金陵錄遺才撰聯云三年燈火原期
此日飛騰倘或片念偏私有如江水五度秋風曾記昔時辛苦
仍是一囊琴劍重到鍾山道光初某廣文送考至省故事廣文
送考者例向學使求所屬遺才二名時沈小湖爲學使一概謝
絕某戲改前聯云三年辛苦只求兩個遺才倘蒙片念垂恩感
深江水百計哀號不管八棚伺候拚着一條老命撞死鍾山學

使聞之亦不罪也

續縣令

湖南撫邵某初入境有友來迎談次聞近有新聞乎猝不及對乃曰近有一對甚工有縣令姓續名立人者人贈聯云尊姓原來貂不足大名倒轉豕而啼撫邵一笑而罷及到任竟劾去之實則令乃好官也

十字令

近時有首縣十字令曰紅 圓融 路路通 認識古董 不怕大虧空 圍棋局中中 梨園子弟殷勤奉 衣服齊整 言語從容 主恩簾簾滿口常稱頌 坐上客常滿樽中酒不空 又有佐貳十得云一命之榮稱得兩片竹板拖得三十俸銀 領得四鄉地保傳得五下嘴巴打得六角文書發得七品堂官

靠得八字衙門開得九品祿服借得十分高興不得曲終奏雅
亦官箴矣

衙參

州縣衙參情狀可笑有分段編爲戲詞者一日鳥合二曰蠅聚
三曰鵲噪四曰鵠立司道站班五曰鶴驚六曰鳬趨七曰魚貫八
曰鴛伏九曰蛙坐十曰猿獻謝茶十一曰鴨聽十二曰狐疑十
三日雀行十四曰鴉飛十五曰虎威各段與夫十六曰狼餐十七
曰牛眠十八曰蟻夢真可入啓願錄也

清客

都下有清客十字令曰一筆好字不錯二等才情不露三斤酒
量不吐四季衣服不雪五子圍棋不悔六齣崑曲不推七字歪
詩不遲八張馬甲不查九品頭銜不選十分和氣不俗其注於

後者則更進一解矣

行令

江南無錫令卜大有善戲謔聞新任宜興方令有口才思窘之與武進令預構一令會公宴舉觴曰兩火爲炎此非鹽醬之鹽既非鹽醬之鹽何以添水使淡武進令曰兩日爲昌此非娼妓之娼既非娼妓之娼何以開口便唱方令曰我不難遵但恐冒犯卜老先生衆曰但言之乃曰兩土爲圭此非烏龜之龜既非烏龜之龜何以添卜成卦衆大笑

宗室

四品宗室中有胸中不甚明白而口才甚佳者或嘲之曰胸中烏黑嘴明白余爲代對曰要際鵝黃頂暗藍對仗頗巧衆爲解頤

給事尙書

齊東野語云兵部尙書夏原吉於水江南與給事中某同寓僧寺某如廁甚急夏戲曰披衣輟履而行給事給事卽對曰藥甲曳兵而走尙書尙書蓋猶言常輪也巧對錄下同

陳蔡相謔

詩話總龜云蔡君謨與陳亞相友善一日蔡謔曰陳亞有心終是惡陳應聲曰蔡襄無口便成衰雖巧謔亦虐矣

土產

鶴林玉露云楊東山嘗言昔周益公洪容齋侍壽皇宴因談肴核上問鄉里所產容齋對曰沙地馬蹄鼈雪天牛尾狸益公對曰金柑玉板笋銀杏水精葱上吟賞又問一侍從浙人也對曰螺頭新婦臂龜脚老婆牙四者皆海鮮也上爲一笑某嘗陋三

公之對昔帥五羊同僚酒邊各舉土產某曰他無所產獨產一歐陽子耳

于妾王兒

褚石農外紀云兵侍項文曜媚附于忠肅每朝待漏必附耳密言行坐不離時日爲于謙妾又戶侍王祐貌美無鬚詣事王振振一日問曰王侍郎何故無鬚祐曰老爺所無兒子豈敢有于謙妾與王振兒正可作對又天順間錦衣門達甚得寵有某爲達門客鐫印曰錦衣西席有甘棠爲洗馬江朝宗婿亦有翰苑東床之印可爲的對

廣文秀才對

雪濤諧史云一秀才送廣文節儀用銀三分廣文出對曰竹笋出牆一節須高一節秀才應曰梅花遠雪三分只是三分

楊李對

楊文襄公遺事云楊憲庵口氣盛李西涯怯寒二人嘗並坐西涯屢以足頓地憲庵曰地凍馬蹄聲得得西涯見其吐氣如蒸應曰天寒驢嘴氣騰騰

陸陳相謔

宦游紀聞云陸文量爲浙藩與陳啓東飲見其寡髮曰陳教授數莖頭髮無法可施啓東曰陸大人滿臉髭鬚何須如此陸大歎賞笑曰兩猿觀木山中這猴子也會對鋸句啓東曰有犯幸公勿罪乃云匹馬陷身泥內此畜生怎得出蹄題相與撫掌而退

紳璫相謔

梁溪識小錄云明嘉靖間一內璫銜命入浙與司北關南戶曹

司南關北工曹飲璫欲侮縉紳酒酣出對云南管北關北管南
關一過手再過手受盡四方八面商賈買賣辛苦東西璫故卑
微曾司內閣工部對曰前掌後門後掌前門千磕頭萬磕頭叫
了幾聲萬歲爺爺娘娘站立左右璫慙憤欲自戕二司力勸乃
止

以姓相謔

野獲編云嘉靖間胡宗憲以江南制府禦巡鹽御史周如
斗宴於舟中二人素相狎者誤傾酒壺周云瓶倒壺撒尿值
篙工捩舵胡曰舵響并放屁各以姓相謔然而俚矣

倪賈對

野獲編云賈憲使里居一日雪後披裘立門前有少年倪麻子
者素好侮人賈見其著履呼曰有一對能屬否對曰釘靴踏地

泥麻子倪曰能之但不敢耳賈曰吾不罪汝倪卽曰皮襖被身
假畜生賈面赤詬詈而入

知縣相諍

文行集云鄭洛書爲上海縣聶豹爲華亭縣議論不相下一日
同坐人報上海秋試脫科聶笑曰上海秀才下第只爲落書鄭
應聲曰華亭百姓當災皆因聶報

杖銘

相傳錢虞山有一杖自製銘云用之則行舍之則藏惟我與爾
有是夫歸 國朝後此杖久失去一日得之有人續云危而不
持顛而不扶則將焉用彼相矣錢爲之惘然

五行四方對

乾隆間工署火金尙書督修之有人出對云水部火災金司空

大興土木適紀文達入朝有中書某狀貌魁梧自負爲南人北相公驟然曰南人北相中書科甚麼東西

脫口對

同人爲春盤會有以太極兩儀生四象命對者適紀曉嵐至同人約曰對訖始許入坐公曰春宵一刻值千金吾饑甚無暇與諸公爭勝也坐客無不絕倒或云道士娶妻有作賀聯者先得出句而文達從旁足之也未知孰是

兩生對

有兩生鵬紀文達一額有黑瘰一左目瞽公見之大笑兩生驚訝公笑曰吾偶集杜句得片雲頭上黑孤月浪中翻一聯耳

醫生對

有醫士自誇工於屬對適達官以綴裁衣令對曰一疋天青綴

應曰六味地黃丸達官喜欵之別院因以避暑最宜深竹院令
對應曰傷寒莫妙小柴胡適聞花香又曰玫瑰花開香聞七八
九里應曰梧桐子大日服五六十丸合坐撫掌余曰此椰榆醫
士者必先有對語而以出語就之耳如果有此人使賦雪詩必
云昨夜北風寒天公大吐痰一輪紅日上便是化痰丸矣

賓主互對

三山笑史云有村館延師者每七夕例設欵師亦知之適遇七
夕師探廚中並未庀具因呼其徒出對云客舍淒涼恰是今宵
七夕徒不能對以告其父主人知其意笑曰我忘之矣因代對
云寒齋寂寞可移下月中秋迨中秋又寂然師復命對云綠竹
本無心遇節即時挨不遇其父笑曰我又忘耳因對云黃花如
有約重陽以後待何遲至重陽仍寂然師復出對云漢三傑張

賈韓信狄仁傑其父笑曰師誤矣三傑是漢人狄仁傑是唐人
師忘之乎師曰我實不忘汝父前唐後漢記得許熟乃一飯而
忘之乎

一字破

遺愁集云明時一友才甚高或戲曰君能作四五字破否以君
命召二句爲題應曰王請度之一坐稱善或云詔復作一字破
乎適見一鬚髯過卽指爲題應曰鄴氣不解友曰皮去毛者也
相與絕倒制義叢話下同

醫生王文

有業醫者仍應童試者學使素識其人題爲人而無信二句醫
破云聖人以厚朴防風人生當歸於信矣學使爲之解頤

減字破

鄭芸汀曰有自矜能減字爲破者作魯人獵校二句題破云魯俗頽聖人雷

相傳有學尤王者或以葉公問孔子一節試令作破應聲曰好龍者忽問鳳暴虎者不言驕矣殊工穩附記於此

四書語作破承

繆蓮仙曰嘗聞諸城劉文清相國之姪在京爲相國買宅久而虛置人間之則曰叔意未愜也紀文達集四書作破承云曠安宅而弗居敬叔父也甚矣地之相去也千有餘里惡在其敬叔父也噫爲其爲相與又曰吾杭張某好葉子戲生四子皆有父風妻故儒家女集孟子成一破曰子好游乎夫有所受之也俗謂門牌爲遊湖亦可謂錦心繡口矣

寶藏典焉

施愚山督學山左時有名士入場作寶藏典焉文誤爲水一節錄畢始悟料無不黜之理作詞於文後曰寶藏在山間誤認却在水邊山頭蓋起水晶殿珊長峯尖珠結樹顛這一回屋中直跌撐船漢告蒼天留點蒂兒好與友朋看愚山閱文至此和之曰寶藏將山誇忽然間在水涯樵夫漫說漁翁話題目雖差文字却佳怎肯放在他人下常見得登高怕那曾見會水渰殺仍錄附榜末

歇後箴

文行集云宏治六舉鄉會文章稱盛其初年己酉順天鄉試申明禁約文內不許用空定懸三字以涉禪語也或仿鄭五歇後以自箴云回也其庶乎屢此下一字真可除君不見今之所禁則國虛當年夫子犯了鄙夫問於我如又云少之時血氣未此

下一字只合逾君不見今之所禁天下惡乎當年曾子犯了一人僨事一人國叶瓜又云言不及義好行小此下一字渾不是君不見今之所禁雖有智當年孟子犯了德術智

虎曹蝶歎

郭蘭石由四川督學回京有錄存告示文稿一本中有虎曹蝶歎之語閱者求其說蘭石笑曰曾試一屬有一卷賦春日遲遲云蛺蝶歎春風蝶歎已奇又試某郡虎負隅題一卷講下分三段第一段云虎若曰我所積畏者婦也今爾衆其奈我何第二段云虎若曰我所甚懼者捕也今徒逐其奈我何第三段云虎若曰我所失勢者野也今在隅其奈我何初擬劣等幕中客曰設想雖奇文情尙好抑之三等末可矣又一客曰此生亦太可憐其生平必懼內否則何以云積畏者婦乎合坐大笑而罷

文謔

近時好出割截題以杜抄襲其作法全在釣渡挽見長而於書
旨不暇顧也又有戲作王如好色至有託其妻子於其友題者
其渡下云夫王之好色不與王之臣同之者以王之臣自有妻
子故也其挽上云夫王之臣不託妻子於王而託於其友者以
王好色故也善戲謔兮實足解頤

套調

陳午橋悉議戲作舉子下第文全套金正希德行一節中二比
云榜大莫能容所不得者進士而於舉人無恙也設諸公非爲
進士故挾其文章經義試帖楷法以博取人間館與幕與一切
謔錄教習固自易易何困苦若斯也而諸公不顧也文人無厄
地所自信者學問而命運則不敢必也設諸公以不中進士故

富貴共袍掛靴帽衣履錦程以博相公之一笑下及夫青廬魚池豈不甚樂何憂悶若斯也而諸公不敢也

文章著龜

常熟顧仲恭作敬十八房書說皆游戲之筆其略云今世之爲天吏者有三庸醫也低風水也盲考官也何也使醫能辨六脉則天之所以生死人者人得而奪之矣使風水而能知龍穴則天之所以興福人者人得而奪之矣使考官而能辨文章則天之所以貴賤人者人得而奪之矣故吾謂此三者皆天吏也敢弗敬與古者聖人舉事必用蓍龜夫枯草朽甲何靈之有惟其無靈而至靈者出也考官者亦文章之蓍龜也從之則吉逆之則凶敢不敬與

墨派

梁應來曰四書文中所謂墨派者或仿其調以嘲之云天地乃宇宙之乾坤吾心實中懷之在抱久矣夫千百年來已非一日矣溯往事以追維曷弗考紀載而誦詩書之典要元后卽帝王之天子蒼生乃百姓之黎元庶矣哉億兆民中已非一人矣思入時而用世曷弗瞻黼座而登廊廟之朝廷疊床架屋而音闕鏗鏘今之時墨何以異此

笑笑錄卷六

獨逸高士手編

懼內

有懼內而下跪者或改千家詩一首嘲之曰雲淡風輕近夜天
傍花隨柳跪牀前時人不識予心苦將謂偷閒學拜年塗說下同

贖富頭

有質錢赴博局者提貫而言曰萬事不如錢在手旁一人應聲
曰一年幾見贖富頭聞者絕倒

電詩

有作電詩者曰黑雲團團堆上天想是天公要吃煙何以知其
要吃煙一烟一烟打火鏈

牛何之

一師因徒他出以牛何之三字命題課文其徒篇終作一結云孟子一書曾何之者二一則曰牛何之一則曰先生將何之然則牛也先生也一而二二而一者也

作文

有作不徹薑食不多食題文者中云神明不可不通而亦不可太通穢惡不可不去而亦不可盡去四語可發一槩

講書

有塾師講書至康子饋藥章一徒問曰不知饋者九藥乎湯藥乎師遲疑久之曰據上文鄉人儻似乎九藥據下文廐焚又似湯藥大抵所饋者九藥湯藥各半耳

父母何物

某於某縣閱童子試卷題爲父母在三字一卷有云夫父母何

物也不禁失笑因批一行於上云父陽物也母陰物也陰陽不和而生你這怪物也

詛學政

乾隆初某以部曹視學兩浙擅作威福多士切齒先考試甯紹兩府人士造爲訃帖云不孝某罪孽深重不白殞滅禍延先考甯紹府君

嘲醫

有人戲改孟襄陽句作一聯贈醫生云不明財主藥多故病人疎一調換間而形容曲盡

酒令

有於席間行令誦古詩飛月字者一人曰白月照詩人主人疑其杜撰因問上聯是何語某不能對一客代答云吾却記得是

黑風吹酒鬼舉座大笑

抄文誤字

一武生於場中抄蓋湯之於天下六字蓋字誤作羊血二字之字原本草書誤作三字於字誤作打字遂成羊血湯三打天下云

作文紕謬

有師訓其弟曰作承題必須先反後正弟頗領會一日師出未有學養子而後嫁者也題其弟承題云夫養子而後嫁人之常情也

紀彭作對

紀彭二尙書與某公同值朝房某先退行甚疾紀作對云足開五六片手寫十三行蓋某退食喜臨帖也彭曰何不云聖手書

生脚行太保一座解頤

幻想

天上磨一盤掉下了五萬金忙將三萬來營運一萬金買田置產五千金捐個前程還剩五千金遨遊四海徧處訪佳人

詠寒林

釋氏放酸口所祀神曰寒林沈元剛嘗改清平調一疊云紙想衣裳旋想容秋風撲面粉花濃若非水陸場中見定向孟蘭會上逢

沈和猷

沈某猷甚人以沈和猷呼之登第後寄家書云男與大哥進京會試過山東道上大哥買饅餅自吃而不與男喫到京後男中而大哥不中豈非天網恢恢乎又其友命僕持書通候僕見之

不識也信口問沈和默在家否因問何爲曰主人有書沈拆視之向僕曰爾主人借石磨着爾挑去僕曰主人未有命且未帶扁担來沈曰扁担亦向我借卽將石磨并書付之僕返命主人不解拆閱回書見五絕一首云今朝尊管來大叫沈和默罰他挑磨子挑去又挑來不覺大笑

父子誦文

有士人患子之游手好閒一日取章灼日父母惟其疾之憂題文誦其後股出比云罔極之深恩未報而又徒留不肖之肢體貽父母以半生莫彈之憂子不敢出聲一日其父細妓歸子偵知之遂朗誦對比云百年之歲月幾何而忍吾親以有限之精神更消磨於生我劬勞之後父乃默然

官職詩

咏中書云莫笑區區職分卑小京官裏最便宜也隨翰苑稱前輩且喜中堂是老師四庫書成邀議叙六年俸滿放同知有時
潤到軍機處一挂朝珠頸上垂咏大挑二首云今年大挑沐恩
光票子紛紛榜後忙多買肥腴塗面孔儘拉帳目做衣裳得官
最好惟知縣作教何須補副堂却笑歸班新進士十年以後再
商量五月初三沐寵光行裝不復舊郎富安排補挂敦官體打
點燈籠號正堂邈邈長隨添幾個粗疏履歷寫三張扣頭京債
還私債領俸差能六十強

巡檢

予館江西新城橫村時見署印同安司巡檢某上任與從極盛
戲占一絕云頭踏跟班壓斷街玻璃大轎四人擡礮聲響後鑼
聲近署印同安巡檢來

縣試報

予在橫村一日偕友閒步見學中門斗肩輿而行兩僮前導沿途敲至其家持紅單懸脚堂前門斗仍坐肩輿朝上不動時鑼聲盈耳觀者如堵良久其家用托盤盛銀手釧一雙捧置几上名曰彩頭門斗始下輿與主人接見予視紅單乃報縣試招覆也口占二絕云鑼聲不住到門庭門斗肩輿火急行一紙紅單書捷報少爺縣試第三名紅單高挂供神檯門斗肩輿向上抬敲得鑼聲聞十里和盤托出彩頭來

客滿詩

有人請宴座上客滿或作詩云華堂今日綺筵開五素三韋次第排仔細采從頭上過殷勤酒向耳邊飭堪憐短臂無長箸最恨肥軀佔半臺更有客來挨不下主人拖椅後邊陪

文戲

嘉應諸生李文固善謔。遇考試題爲割不正不食。李文末作一結云：噫！予生也，晚未能與孔子同時，一食其所剩零頭碎角之肉也，惜哉！致列四等。

別字

文武二秀才俱列四等，互相詰問。文曰：論我文原不至此。以宗師題目太奇，致舛誤耳。武問何題目來？乏興。柳興乏興，還問之。武曰：我武藝亦不至此。惟內場題難解，與足下同病耳。問何題目多弄膝少弄不膝也。蓋皆讀別字云。

學生惡習

子弟出就外傳，深宜慎擇。不然習於詐僞，將至無所不爲。嘗見一村塾隣有美姝，同學生合計竊其雙鴛，至棧角織巧，羣以酒

杯納其中傳飲爲樂俄聞詬誅曰我年八十八矣猢猻輩竊我履去將欲何爲始悟誤拾其祖姑之物嘔酒滿地遂拆而焚之以滅跡又嘗從馬長者遊忽退而不前衆怪問之曰非敢後也衆爲大笑又有薛某者應縣試詩題山輝韞玉呶唔半日忽得句高唱云名山多奇寶人以失拈笑之薛強辨曰四平一仄自古多有之池塘生春草是也友人注某作詩譏之曰池塘生春草名山多奇寶古人道得好今人不得了殊可發笑也然幸有此詩始免曳白云

大人虎變

平湖令孫擴圖名士也有大府經其地供張甚謹行館楹帖皆自製親書大府大喜飯畢入寢忽赫然怒召入數之曰吾何嘗食汝肉而必以虎目我公力辨其無大府指門聯曰此非汝手

書耶公始悟引咎而出蓋所書爲君子龍光大人虎變云

楚語下同

糟糠妾

計孝廉東故貧士嘗置一妾晨夕設食唯粗糲而已夫人譴曰古有糟糠之婦不聞糟糠之妾奈何

神樓圖

劉南坦性好樓后而力不能構文徵仲作神樓圖遺之此可知南坦之清操徵仲有停雲館聞者以爲清閼之比及見不甚寬敞異之徵仲笑曰吾齋館樓閣無力營構皆從圖畫上起造耳再打三斤

某縣令甚猷所爲多可笑其紕繆不可枚舉飲量甚洪日必沽酒數斤怡然獨酌一日突有喊冤者正醺醺時阻其雅興含怒升堂拍案喝打並不擲錢役跪請曰打若干官伸指曰再打三

斤吏笑不可遏竟至哄堂又轎夫工食升堂點給怒曰我僅見
二人擡轎如何有四名轎夫曰轎後有二人官曰據汝言亦僅
二人對曰配以轎前之二人非四耶官無以詰方按其名其一
曰洋洋得意其二曰不敢放屁其三曰昏天黑地其四曰拖來
扯去官大笑客窓閒話下同

見上司

有某尹蜀人調制軍問峨眉山猴子究有多大對曰同大人
大既自覺失檢又改曰與卑職一般大一日司道會議三人皆吸
煙命僕爲尹點烟尹曰卑職性不食烟有三子均喜此惡之不
暇而身自犯耶皆傳爲笑柄

李超兒

姚峴好滑稽於姚僕射南仲坐有投刺者云李過庭僕射曰過

庭之名甚新未知誰家子弟左右皆稱不知峴曰恐是李趨兒僕射方悟而大笑息影偶錄下同

銅錢照人

張循王嘗貨殖伶爲善天文者云世間貴人必懸天象用渾天儀窺之則見星不見人矣如無渾天儀可用銅錢代之令窺帝曰帝星窺秦檜曰相星窺韓世忠曰將星至循王曰不見星衆駭令再窺曰終不見星但見張王在錢眼裏坐左右大笑

鼻頭

吳下稱奴爲鼻頭嘉靖中王氏僕吳一郎富而驕以貲得官嘗乘四人轎赴姻家席孝廉張伯起惡之時有關白之警伯起乃謂吳曰近聞邸報關白已就擒吳欣然問之伯起曰關白原是一怪身長數十丈腰大百圍截其頭亦數千斤吳曰那有此事

伯起曰只一個鼻頭亦用四人擡之吳知其誚已不終席去

題像

四明豐南畝性滑稽里中致仕驛丞某繪像求題豐題曰才全德備渾然不見一善成名之迹中正和柔粹然無復偏倚駁雜之弊丞喜過望識者曰則其爲人也亦成驛丞矣

母狗公猴

齊亞秀者京師名倡女曰江斗奴以色藝擅聲英公張輔招三楊飲命斗奴佐觴康楊至擁之膝連沃數觥杯覆斗奴以羅裙拭之曰血色羅裙翻酒汙英公叱曰總爲母狗害事斗奴應曰妾所接者皆公猴侯耳衆大笑旦日三楊各以緋羅贈之

姜里囚

艾子講道於羸博之間從者數百人一日講文王姜里之囚適

赴宣王召不及竟其說一士怏怏返舍其妻問之士曰朝來夫子說周文王聖人也今被其主殷紂無道囚於羑里吾憐其無辜是以愁惱妻欲寬其憂慰之曰今雖見囚久當放赦士曰不愁不放只愁今夜在牢內難過活耳

論年歲

虞任者艾子之故人也育女生二周艾子爲其子求聘任曰賢嗣年幾何曰四歲任艷然曰公欲配吾女與老翁耶艾子不解曰何也任曰賢郎四歲吾女二歲是長一半年紀也若吾女二十而嫁賢嗣年四十不幸而二十五乃嫁則賢嗣年五十非嫁一老翁耶艾子知其愚而止

相傳有兩姬爲兒女說姻者甲曰令郎幾歲乙曰兩歲甲曰吾女纔一歲大了一半將來吾女二十令郎則四十矣是不

可乙曰不然令愛今年一歲明年卽是兩歲是與小兒同庚矣何害之有此說尤妙附錄之

通文

崇禎戊辰陳保泰督學江南試某邑題有友五人焉一士失記正文私問人曰五人姓名敢望指教其人曰下文是樂正裘牧仲士屈指曰尙有三人其人曰其三人則予忘之矣士恚曰如此時候還有工夫通文

吾從衆

坡公與米元章飲酒半元章忽曰世人皆以芻爲顛願質之子瞻公笑曰吾從衆

妒說

有爲妒婦解嘲者曰士君子情欲無節得一嚴婦約束之亦動

心忍性之一端也故諺曰到老方知婦功坐客無以難也余笑曰君知人之愛六畜者乎日則哺之夜則防護柵欄惟恐豺虎噉之此豈真愛其命哉欲充己口腹耳妒婦得毋似之乎眾乃大笑

陸通明

陸通明世居洞庭山有吳某往來頗狎一日陸內人臨窆吳詢男女陸曰昨生一女已溺之矣吳曰先生極明此事欠通了陸訝之吳曰豈不聞溺愛者不明耶

千家詩

朱望之館葑溪陸氏後每往陸必留飲一日遇其友問何來朱曰陸家留酌歸也問友何往友曰往舍甥處送親耳朱曰然則子與兄合千家詩二句矣子則一水護田將綠陸繞樸君則兩

山排闥送青親來相與撫掌大笑

牛

盛度體肥一日自殿趨出知宰相在後卽欲走避行百餘步乃得直舍隱於其中石學士中立見其喘甚問之盛告以故石曰相公問否盛曰不問別去良久乃悟罵曰奴乃以我爲牛

薤頭

明廣州之井失也黃士俊等俱薤髮降廣人以詩誚之曰君王若問臣年紀爲道今年方薤頭蓋士俊時年八十二也小歷紀年

雞卵

有南人不食雞卵初至北道早尖店夥請所食曰有好菜乎曰有木樨肉及獻於几則所不食者也慮爲人笑不明言但問別有佳者乎一攤黃菜如向客曰大佳及取來仍是不食者謬言

尙飽其僕謂前途甚遠恐致餓曰如此但食點心可耳間有佳者否店夥以箇果子對客曰多待幾枚來及至則仍不食者且慙且怒忍飢而行遂委頓不堪夫天下事不知者多矣必欲諱不知爲知甘作負腹將軍可笑也勸戒三錄

布醫

外祖病時數醫皆屢手有鄭姓者名頗著而技尤庸耽延月餘病益深後請陳修園來診徧視舊方曰皆爲此等所誤批鄭某方後云市醫伎倆大槩相同越日衆醫見之皆色沮鄭喑曰陳某何以呼我輩爲布醫聞者匿笑遂號鄭爲布醫先生云池上草堂筆記

匾額

陸儼山豫章漫鈔載其郡中譙樓太守題曰壯觀同知王卿陝

西人也見之忽然曰何名壯觀自我西音乃臧官耳又紹興郡
齋匾曰牧愛臧編修潤謂太守曰此可撤去我自下望之乃收
受二字也冷廬雜識下同

醫

臨海洪僉事南沙文集謂方書惟錫不入藥明名醫戴元禮嘗
至京師聞一醫術甚高往覘之見其迎求溢門酬應不暇偶一
求藥者既去追而告之曰臨煎加錫一塊元禮心異之叩其故
曰古方也及檢視乃錫字耳余謂今之庸醫不特未識古方卽
尋常藥品亦莫辨其名有書新會皮作會皮者不知新會是地
名也有書川芎爲撫川芎者不知撫與川二地也

京官詩聯

紀文達嘗作京官詩數十首記其小軍機一律云對表雙鬟報

丑初披衣懶。倩人扶圍籬。侍妾綢貂挂。啓匣嬌童理。數珠流水是車龍。是馬主人如虎。僕如狐。昂然直入軍機處。低閣中堂到也。無有京官不願外遷。而老於京卿。貧病以死者。公輓之曰。道不遠。人人遠。道卿須憐我。我憐卿。

歸班詩

進士歸班銓選每稽時。日宋人有婦歎詩曰。記得蕭郎登第時。爲言卽入鳳凰池。而今老等閒官職。日欠人錢夜欠詩。描摹情況惟妙惟肖。

站班

外僚俟上官出入序立於傍。謂之站班。凡上官所到之處。無不先往伺候。故需次省垣者。奔走幾無暇日。在楚北日許明府虎拜嘗改翰林口號。一年事業惟公會。半世功名只早朝。二句云。

笑笑錄

卷六

十一

終朝事業惟跑路畢歲功名只站班又戲作聯語云寒城跑路滿面尖風古廟站班一身明月皆紀實也

飭紀敦倫

世俗以夫婦之事爲敦倫以使令奴僕爲飭紀嘉慶己卯秋試某房閱文見飭紀敦倫句詫曰敦倫豈可飭紀怪誕極矣以筆直抹之

作兒子部民

歸安張蘭舫撫閩兼攝閩浙總督其封翁在家親故往賀翁曰我不意作兒子部民君何賀耶聞者傳爲佳話

奇名

明播馬羅賓王官南昌同知歸作哭斯堂於里門此堂名之奇者馬嗣京學博取少壯不努力老大徒傷悲之意築別業曰大

悲庵此庵名之奇者朱竹君學士視閩學令士子人采一石築亭署中各鐫姓名于上額曰三百三十三士亭此亭名之奇者洪洞范部鼎所著燈文名草草此書名之奇者

按癸辛雜著載二書名曰劄音劇作也書李跨鰲所著也曰藹音氣至切疑卽重書余極所著也是又奇之奇者附記於此

教職聯

學博向稱冷官蘇州教授李時庭題堂聯云掃雪呼童莫認今朝點外聽雷請客都知昨日逢丁堪發一噓又蕭山傳芝堂學博作聯自嘲云百無一事可言教十有九分不像官語更諸妙

逸民榜 啞榜 響榜

乾隆癸卯浙江鄉試題逸民一節所取文皆恬靜時稱逸民榜嘉慶癸酉題本詩一節獲售者鮮登第時稱啞榜丙子題夫達笑 笑 錄 卷六

也者四句所取文皆動宕發皇登第者獨多時稱響榜

翰林詩

翰林官地望高華而每感空乏近某太史作詩云先裁車馬後
裁人裁到師門二兩銀惟有兩餐裁不得一回典當一傷神可
發一笑

學政

太倉王相國揆學浙江取士公明人有窮通翁之謠言所取
皆寒士宿學而能文者也後湖北李某來好取短篇前列皆取
美秀者遇不揚者文雖佳亦不錄時有謠云文宜淺淡乾枯短
人忌麻鬚胖黑長

嘲邑令

秀水令某初至頗慕仁聲士民瞻以國云民之父母未幾改操

廣通賄賂或題匾額云漫道此之謂誰知惡在其後被劾去

都中竹枝詞

都門竹枝詞有足解頤者時尙云多多益善是封條拉扯官銜
朱字插遠代旁枝搜括盡直將原任勘前朝京官云轎破簾幃
馬破鞍轡來白髮亦誠難養車當道從旁過便是中朝一品官
候選云昔年黃榜姓名聯此日居然掌選鈴堂上點名堂下應
教人不敢認同年考試云短袍長褂著驢鞋搖擺逢人便問街
扇絡不知何處去昂頭紅去看招牌觀劇云坐時雙腿一齊盤
紅帟開來窄戲單左右前肩人似玉滿園不向戲臺看描寫頗
入妙

官紳結交

邑令鄉人昌短於才專以謠媚鄉紳爲事時姚通素社完三居

諫垣鄒過其居必下與時人爲之語曰舟人不會撐全靠搖着力若還風水起舵也少不得偕同音爲諺殊爲諧妙上海縣志

紀文達語

紀文達雖一戲謔亦令人不可思議如有平某娶妻公送詩韻一部莫不怪之平某思索數日始知其取平上去入四字爲謔也又有林鳳梧來見公問命名之義林曰生時母夢一鳳棲於梧桐故名公歎曰尊兆可謂美矣設不幸而夢一雞盤旋於芭蕉之間則天下之名更不好聽矣莫惡謔也又散朝時一老公留說一笑話公沉思曰昔有一內監此句之後不發一言老公俟之移時問曰底下如何公曰底下一領沒有聞者絕倒

見開

子

南滙瓦屑墩有富人張叔英名附成均胸無點墨然喜假斯文
一日爲子完姻俗有詰朝請訓之禮叔英夫婦高坐堂中兒媳
參拜於前禮人贊請訓叔英高聲作官話曰爾生於富貴之家
未知稼穡之艱難時賓朋滿坐皆聳耳而聽下文叔英遲之又
久復操土音曰你若要做人須急急爬上去於是闔堂大笑里
黨至傳爲口實

八卦轎

粵西地瘠民貧鄉村婦女率大足肩挑負販與男子同柳州來
賓一帶有肩輿爲生者如坐客爲男二女肩輿爲坎坐客爲女
前女後男肩輿爲震也統名曰八卦轎餘墨偶談下同

蘭花菇

昔六祖講經仁化山中附近處產南華菰粵西賀縣亦有之俗

名蘭花菇某令時中丞按部過縣詢其地有土娼否令誤以爲土產答曰有蘭花菇中丞曰何不逐之令始悟坐客爲之胡盧中丞亦笑蓋三字頗似妓名也

科譚

一日署中演雙合印內有科譚曰爾旣係算命的何以把自己算在監裏來同人笑之時孟樸山在坐曰此語可以問周西伯衆訝之乃曰西伯演周易拘於羑里不亦同耶會心真不在遠

月當頭

一年幾見月當頭謂冬月望日也曩聞一憨子向日者叩命某知其憨戲曰汝不臘矣憨者詢以何驗曰爾可於冬月望夜半時獨立月中當四顧四影憨者試之果然遂大感與親友訣逾歲無恙始知其戲也

蔡對馬

道光季年楚北馬都齋太守麗文守高州武林蔡麟洲太守振武守肇慶一日公會偶言姓名可作對者首郡指馬太守名請對一人舉蔡名蔡云文武雖可對而二姓總覺未工一人曰君未讀臧文仲居蔡朱註乎蔡亦爽然失笑

痴人說夢

戚某幼耽讀而性痴一日早起謂婢某曰爾昨夜夢見我否答曰未大斥曰夢中分明見爾何以賴去往訴母曰痴婢該打我昨夜夢見他他堅說未夢見我豈有此理耶

調簾

每秋試外省實缺官多深分校庖代者五日京兆率多勇往而調簾者每畏縮不前麒麟玉符都統有句云捧檄官如魚赴壑入

簾人似鳥投羅可爲解頤

童生對

某應童試赴郡偶憶內戲書聯云充無罪之軍三百里守有夫之寡二十天爲同舍所見傳爲笑柄又某童年八旬矣學使詢以經傳多不復記有人嘲曰行年八秩尙稱童可云壽考到老五經猶未熟不愧書生均雅謔也

妓謔

陽少南孝廉游某縣與女校書某狎時女雖年越數載重至其地陽已子思女亦頽而長矣一日與友訪之陽戲之曰女兒家日近男子故易長矣女驟然捋其鬚曰虬髯公殆亦日近女兒而易老耶相與一笑語雖詼諧實足令人猛省

戲詼詞

都下唱戲必擇一友之熟習諸務者專司之名曰戲提調曾傳
一歌曰衆賓皆散我不散來手未到我先到巍然獨踞下場門
赫赫新銜戲提調定席要使宜點戲誇精妙怒目看官人軟語
磨車轆轤索年前舊戲單爛熟胸中新堂號大蠟親試三枝頭
靴頁偶裝幾千吊小香到提調笑喜祿病提調跳鎖得長庚跟
兎暫向櫃房存待到半夜三更自己轉灣仍放掉吁嗟乎三更
曲罷尤可憐昏花二目飢腸穿左有牙笏右掌櫃小馬紛來滿
堂前燈火全不見陰森疑到閻羅殿此時提調錦囊空只餘三
字明天算

相術

顧鶴鳴挾相人術言多奇中無賴陶奇山往相顧言其面起殺
紋三日內有牢獄之厄言過以直激陶怒突起一拳中顧要害

隨簾陶紫獄擬抵若顧之術神矣余獨怪其精於相人而疎於自相也墨餘錄下同

未冠詩

某年縣試有七旬老人入場作未冠題輕薄子以詩嘲之曰縣試歸來日已西老妻扶杖下樓梯牽衣附耳高聲問未冠今朝出甚題頗有風趣

十八拍

明季熊芝岡督學南畿考規頗寬而發落甚嚴優等或且撲責諸生胡紹寅已責十板復執卷辨又加八板胡素傲睨時人嘲曰此胡笳十八拍也聞者捧腹

打還

周浦孔某晚年得子嬌養甚師課之讀出口卽罵師怒薄責之

遂入內訴母曰先生打我我必打還不然有死而已孔卽託友商於師欲權忍一擊以泄子鬱師初不允友謂師貧困賁孔賂以數十金師乃勉從

家大人

近日援納例開腰經數百金從長安歸卽肩輿張蓋競稱老爺得五六品稱大老爺或不屑此而多方處置竟稱大人此皆驕心太勝之故更有諂者某宦以二品告歸曾見一同姓具柬簽書家大人見者無不掩口

字說

荆公好解字而不本說文劉貢父曰易之觀卦卽是老鸛詩經小雅卽是老雅荆公久乃悟其戲又詩經世本古義釋召南維鳩居之引諸侯一娶九女爲說說經流爲笑柄者如此

懷小懷下同

自撻

蘇世長初在陝州部內多犯法世長莫能禁乃責躬引咎自撻於都街伍伯疾其詭輓之見血世長不勝痛大呼而走觀者咸以爲笑

克長克君

劉嗣明作皇子薤胎髮文用克長克君之句吏持以請曰內中讀文書最以語忌爲嫌旣尅長又尅君殆不可用也嗣明亟易之

長髯

鐵園山叢談伯父君謨美髯鬚仁宗偶問曰卿髯甚長夜覆之於衾乎抑置之於外乎君謨無以對暮就寢思寤語置之內外悉不安東坡詩譬如長髯人不以長爲苦一旦或人間每睡安

所措歸來被上下一夜無着處

肥

晉書王戎子萬有異名而太肥戎令食糠而肥愈甚南宋齊武帝諸子傳隋郡王子隆體過充壯嘗使徐嗣伯合蘇茹丸以服自銷損

偷兒

某生夜讀往復數百徧猶不熟漏四下誦聲益喧意且達旦矣有賊伏床下躁甚突起擲之曰爾非生鐵何頑鈍若此余焉能待遽趨出門鼓掌而去耳食錄

篤胎巡檢

汪訥堂在梁芷林方伯幕余偶訪之見案上批一巡檢稟云此係申臬憲者誤發到此怪而閱之則以徽垣之福曜概目爲柏

笑笑錄

卷六

十八

府之清霜開頁數行已堪絕倒後乃云卑職質本篤胎不禁大笑向以巾幘幕賓爲謔今又得一篤胎巡檢矣思補齋隨筆下同

一元大武

一生省試後頗自負以文質於友云君視此能得元否生固鶴立長身履逾於人者且半友曰君之文不可知君之相則無不得也生問故友曰今太歲在午出頭則爲牛而尊足又如是其巨此禮所謂一元大武也生吐其面而去

老童詞

予佐李鉞梅學使於閩一日案發予所荐多不與而拔取老童一人文殊可駭戲占西江月云剔盡冢中朽骨剝盡樹上枯皮也充藥籠算東西羞煞春風桃李但得冥司限展何難學院名題這般遺際賽礮溪千載一時而已又爲衆童欣幸之詞曰

晚運賴亨通看聯閣入泮宮文章兩字何須懂此也衰翁彼也
壽童門牆喜氣挨挨擁感天公肯憐老朽來了李文宗

閱卷

試壁輪芒得輪字詩最奇者通首押七廢無一字調平仄者一
卷有露出乳如酥句一卷有青樓一夕娛句又如皋射雉賦可
笑者固多然莫甚於以其夫之無物一語此物正不知何物也
又賦得三折肱爲良醫有句云美術炫嫖娘此必是女科目內
額生光此是眼科既題滾新藥是痘科肱折如何可醫寒痛頓
忘是接骨科發毒有奇方是外科床前施妙技局外想新妝此
必賣春方者不索人問謝能傳海上方此是施藥者甚有云按
脉須雙手開方定一張更有云盛世不生瘡者或批一聯云所
以周禮駁典膏藥之名不設齊伯旣失瘍醫之事遂傳也

詩誤

某公講真定以射以觀德命題一生詩有句云髮皮許共鑽
閱之大駭既乃悟其脫去木旁也此等紕繆真是千古笑柄

文謬

生古卷中有云相彼鳥矣何以贈之或批其旁云盍歸而謀諸
婦余笑曰豈不堪持贈奈何

策謬

某督學試貢監錄科策問姚江學術一監生對云有謂姚之學
勝於江者有謂江之學勝於姚者兩說並存似難分其優劣問
者大笑寄燭殘燈下同

記誤

有縣令莅任囊拿北門外薙髮鋪人杖之四十其人不知所犯

何罪叩頭請示令曰某年月日在汝鋪薙頭受汝輕慢其人曰太老爺並未到過小鋪令恍然曰誤矣賞以千錢遣之蓋令在家時曾受本鄉北門外薙頭鋪侮耳時傳爲笑柄

有人薙頭於鋪其人薙髮極草率既畢特倍與之錢而行其日復往其人竭力爲之薙髮加倍工夫事事周到既已乃少給其資其人不悅曰前次薙頭草率尙蒙厚賜此番格外用心何可如此此人謂曰今之資前已給過今日所給乃前次之資也一笑而行此事殊可笑故附記於是

各道

前聞河南候補道多至二十餘人其中各有名目有稱夫子之道者以幕友報捐者也有稱文武之道者以都司改捐者也有稱大學之道者由太學生報捐者也有稱卑卑不足道者身同

侏儒不滿四尺者也有稱雖小道者其人年甫二十者也有稱
妾婦之道者初捐未入欲加捐分發至屬女爲人妾得銀四百
指發東河歷任優缺得捐道銜念女爲人妾心不自安探知婿
正室已故遂遣人送銀四千爲捐升之費婿女本相得卽同赴
河南執子壻禮焉故有此稱亦可爲譴而虐矣

縣試

某縣令試士命題暮友代擬暮春者三字某誤者爲在童生大
譁有四絕云嚇煞暮春在題從何處來縣官不會做只好做奴
才笑煞暮春在童生做不來龍陽曹縣令那得拔真才羞煞暮
春在當堂挂出來不及長洲縣居然老秀才關煞暮春在狀紙
一齊來倒運姚家子聯名衆惡才時方攻童生姚恩保其妹於
亂時曾爲娼也

楊令公祠

沈文達巡撫浙江有餘姚令來謁公偶云年久政時曾謁陽明祠樓宇傾頽今已數十年矣此亦曾有司事也令唯唯而退越半載忽接稟云大人命修楊大人祠堂卑職已捐廢建造乞賜題額公大駭詢來差知令已造成楊令公祠中塑令盔披甲像矣

計開

汴中有從九保舉知縣者蒞任後坐堂審案吏開點名單首列計開二字以硃筆點之吏不便願言詭詞答云計開未到及審第二案又見計開仍以筆點之吏仍白未到遂大怒云今日兩案俱是計開爲首乃敢抗傳不到明係差役買放飛錢欲責役急呼曰計開不是個人令云固其不是個人所以差拿將役重

實限三日解案退堂後幕友告其故始免緝云

製古磚

畢秋帆撫陝值六旬屬吏送禮概不受一縣令送古磚二十塊有年號題識皆秦漢物也畢大喜喚家丁驗云我壽禮概不收爾主人之物甚合我意姑留之家丁跪稟云主人因大人慶壽集工匠在署製造主人親自監工挑最上者獻贖下畢公一笑而罷

館餐詩

李子仙孝廉館於某商家曾有句云青菜縫中藏肉屑黃鹽頭上頂肝油形容館餐之薄讀之失笑

同進士

殿試三甲爲同進士出身偶有三甲者問人曰進士則進士耳

何同之有其人曰此猶夫人與如夫人之別耳相與一笑

八錢宴客

有欲留客飲者有酒無肴搜羅止得八錢窘迫老奴承言易辦以六文買二雞蛋一文買韭菜一文買腐渣第一肴韭面鋪蛋黃奴捧上曰雖不成肴却有取意名爲四個黃鵬鳴翠柳第二肴韭面砌蛋白一圈奴曰是名一行白鷺上青天第三肴炒腐渣奴曰是名窗含西嶺千秋雪第四肴清湯上浮蛋壳奴曰是名門泊東湖萬里船奴愛此詩勉湊成此幸勿哂客大獎賞

聊齋續編下同

碗麪易銅鑪

一無賴子路逢親串欲款之而無錢邀至酒館飲已先索麪一碗對客曰我送家母再來奉陪至家易以已盥棒至一小鋪有

笑

笑

錄

卷六

二十二

老嫗脚踏一大銅鑪坐櫃內誑曰某家壽誕央我送麪與你老人嫗起身致謝又曰某家客多煖易一盃與我嫗起入內卽掇其銅鑪去質錢乃至家取盃來館與客大啖嫗以一大銅鑪換一盃麪吃聞者笑倒

罪不在臀

邳州二人負小兒兩首共頸四臂四足面相向欲見者人與數錢或白縣令答其人而逐之客問之曰兒若所生則曰然曰罪不在臀金靈七墨下同

某醫

某醫士卒或祭以文曰公醫公名醫公疾公自醫公卒簡潔老當餘味曲包

謔河帥

某制府與某河帥同年相得一日閱工至浦上河帥觴之食次進饘制府以爲佳河帥曰此亦江南一品制府曰不及河魚臠可第二然殺之可惜是物頗知水性也彼此相諠而吐屬渾然

金山縣

蓬萊周韞山攝銅山縣與余夜遇於途燈火半滅輿夫厚肩而過各破其帷彼此負氣不相下周問何人予亦曰爾是何人左右曰銅山縣子曰我乃金山縣周粹不悟匆匆慰藉而別

看如夫人洗足

某檢討有同年新納姬往賀不值姬方洗足太史歸遇某於途戲曰今日有一佳話能屬對乎某叩之曰看如夫人洗足某應聲曰賜同進士出身太史默然而別

炊飯太守 賴菜觀察

笑 笑 錄

卷六

二十三

洪逆陷杭州有候補府某着短衣敝屣被執賊問何爲詭曰炊飯賊即令炊飯而守故未諳幸僕爲代之後張提戎復杭州使攝郡篆某感僕惠令爲司閤又有觀察某被擄爲賊種菜已而脩兵嘉湖時謂之種菜觀察

題號壁

關中尾號臭穢難堪雖極兇鷹而遺溺者不顧也獨某生書一帋粘壁上凡提褲而來者一見即避往廁中衆怪之試往觀則書云有人於此大便者我必於其大便處而小便之有人於此小便者我必於其家中小便處而亦小便之不禁狂笑

袁痴

袁痴者性好遊戲鄰廟演劇無意欲往觀又有經畧女客禁不能止乃盛肴饌重鹽味多飲以茶觀劇未半女嘗欲旋袁堅留

之且曰人多氣雜宜聞鼻煙已而噴嚏一聲泉流滿地矣其狡猶如此

歐唐詩

許會卿訪友書塾不遇題其案曰書塾問童子言師喫茶去只在此城中雲遊不知處又二人同行見一大脚婢履襪褻褻而來一人吟云春梅脚不小處處問他跑一人續曰夜來雲雨聲攀落知多少則巧而傷雅矣

燈謎可笑

有以燈謎博笑者謎面云處女看春宮打左傳二句蓋我他日如此必嘗異味也殊可發笑青樓夢

滬上竹枝詞

滬上竹枝詞頗多可笑茲錄其三首曰同興樓共慶與誇燒鴨

笑 笑 錄 卷六

燒豬味最嘉堂下聞呼都不解是誰喧嚷要爸爸注云南人強學北語呼餽餽作爸爸走堂者駭然不敢應也又曰南人北菜詎相宜無奈趨時要炫奇入坐爭嘗湯爆肚肴飽荷鼻嚼芡菱又曰煙花觸目太迷離煙裏藏花事更奇不重生男重生女女兒生計勝男兒皆實錄也申報

市夥詩

友人某以硯田不足供母投筆爲市夥亦復無聊一年後仍理故業作詩曰誤拋絳帳舊生涯司會何嘗是慣家三兩客身辛倖也挨月送四金外手餘閒也被人擎之乎香也全收拾絲忽釐毫莫算差未許高聲喚童僕常將已鈔借煙茶稱呼改作做同事喜怒生防老阿爹緊束疏狂嫌落拓虛當名譽賣奢遮能幹也相逢佳客登時避偶惠殘肴屢次誇只有筆耕還故業清

高猶得叫師爺廣新聞

僕能詩

關中觀者錢竹汀宮詹之僕也隨侍數十年亦能拈韻顧平日不識一丁故所作多俚俗語然皆自出機杼如詠鐘樓云遙望鐘樓一座方當中顛倒挂銅缸東邊撞起西邊響隱另噲琅隱另噲末句蓋狀其聲也又斷句如雨隻蕤船停石埠一竿尿布出樓窗又過江云所以當年關夫子開船先唱大江東別饒風致足資藝林佳話暮年哀然成集宮詹爲編次之惜未傳於世

彙報

寸有所長

錢嶺楊果樓先生官知縣乞休欲於郡覓屋先大夫遂留館之先生忠厚慈祥年雖七旬而意興如少年余兄劄侍之劇談每

笑笑錄

卷六

二十五

丙夜不休未幾先生第三子簡侯官贊來典浙試迎贊京師次年宮贊遷甘肅鞏昌道余亦選金華訓導乃上書先生爲俳諧謂世弟年卅爲巡道某年卅一爲訓導豈非寸有所長耶先生復書數百言亦皆諧謔語先大夫亦爲絕倒庸閒齋筆記下同

擊鼓其鏜

歸安凌厚堂性怪僻論學宗孔孟於宋儒一概抹煞而尤惡朱子每極口肆罵蕭山蔡二風與倪少尉時帆共非之余謂此厚堂代二君報怨耳兩人間故余曰不讀居蔡及反其施倪之注乎衆爲哄堂二風曰君是陳人故述陳言耳時府試寶金焚湯溪兩縣備旗鼓二明府謂向無此例余諸之曰此所謂金湯鞏固旗鼓相當矣衆方粲然二風忽正色謂湯溪沈明府曰湯邑之應辦鼓見於經書何可推諉沈請其故徐曰君不讀衛風擊

鼓其鑼即衆不聞堂

殿試聯語

嘉慶癸丑科一甲一名潘文恭公二名陳遠雯二甲一名張春山三甲一名馬秋水時人語曰必正妙常雙及第春山秋水兩傳臚蓋世傳三甲第一名爲玉殿傳臚也

賤姓不佳

董文恭公誥曹文正公振鏞嘉道間名臣也嘉慶十八年教匪林清遣賊入禁城爲亂時上幸熱河聞變近臣請暫駐蹕文恭力請廻鑾繼以涕泣而文正在京鎮之以譚繼甸遂安時有聯云庸庸碌碌曹丞相哭哭啼啼董太師二公聞之相謂曰此時之庸碌啼哭頗不容易文恭初加太子太師銜人以太師稱之公輒笑辭曰賤姓不佳

米湯大全

世俗以相娛悅者爲灌米湯而歡場尤甚甘泉李永叔嘗戲爲詩曰英雄末路擊稀飯混沌初開灌米湯曾文正於克復金陵後得人頌賀詩文命書記統抄爲一編自題籤曰米湯大全可謂雅謔矣潛庵漫筆下同

高帽子

世俗謂媚人爲頂高帽子嘗有門生二人初放外任同謁老師者老師謂今世直道不行逢人送頂高帽子斯可矣其一人曰老師之言不謬今之世不喜高帽如老師者有幾人哉老師大喜既出顧同謁者曰高帽已送去一頂矣

難漫

薛朋龜爲蘇州參軍廉勤明察胥吏呼牛皮糊鼓殊不可解

後論且曹乃知雪難沒也

天生妙對

姚東石在京用一僕以故遣之其父年六十餘哀求復役又恐他人之無聞而入願代役以待其子來余訝其殷勤特甚東石述其故且曰是所謂愛憐少子也余曰惜不免牽率老夫耳相與拊掌以爲天生妙對印雪軒聯筆下同

詩諧

耶蘇門博學工詩雖以詠諧頗具雅人深致其留館詩曰未知何日升中允且喜今年作老編接眷到京云有屋三間開宅子無車兩脚走京官紅白分金終歲累春秋俸米合家歡御史巡墻云雖無紅傘巡場闊也有青衣喝道長毛竹板高新簇簇鍤絲燈火亮煌煌此類尙多不盡記後奏請禁止婦女聽戲時人

笑

笑

錄 卷六

有詩嘲之曰卓午香車巷口多珠簾高捲聽笙歌無端撞着郎
螃蟹惹得團圓鬧一箇蓋蘇門工畫蟹向有郎螃蟹之名云聞
者捧腹

厥焚

德清一老儒性迂而論僻其作厥焚題謂聖人居家萬無不謹
于火之理蓋由新柄魯政立法甚嚴觀厥裘之謗可見魯人恨
之乘其入朝放火焚之耳

殺人

常州每勾決人犯遺員至縣監斬事畢餽佛番四餅汪琴軒曰
爲此區區而討一殺人差以往亦太忍心矣余曰此檀弓所謂
殺人之中又有禮焉夫何傷滿堂粲然

燈謎

湖俗張燈之夕每有懸燈謎於市者某生好爲此心思靈巧遠近爭傳某年有汪某見其懸一謎云一甲五名打易經五句汪卽衆中大呼曰某乎汝莫不是爲龍爲皇爲帝爲蚌爲龜乎合市聞然次日喧傳一郡以爲笑談

放脚

奏疏中有足發矜者康熙中左都王熙疏禁女子纏足首云爲臣妻先放大脚事桐陰清話下同

梅花詩

嘗閱梅花觀題壁詩云紅帽吟兮黑帽呵風流太守看梅花梅花忽地開言道小的梅花接老爺詩雖詭俚可以愧花間喝道之輩

燈棚聯

笑 笑 錄

卷六

國初有葉初春者作令學東所到括克路人側目時元夕民間
放石燈其棚聯云霜降遺風四野難容老葉元宵遇雨萬民皆
怨初春

控詞

道光中廣東有某公子新登賢書謀刻硃卷及期未竣忽以石
擊破梓人之額其人欲興訟乞孟蒲生孝廉代作控詞云稟爲
勒刻劣墨執石擲額額破血出乞飭斥革事雙聲疊韻誦之紀
例

對句

有倪姓女自負才色出聯句以擇婿慕能屬對者嫁之云妙人
兒倪家少女一時寂然按此語原無可笑讀之覺忍俊不禁故
錄之

絕對

郭太史尙先爲編修十二載不遷秩京師呼爲金不換將修撰立鑄在館十年不調人號爲右敢當却是絕對

借西廂語

潘家仙茂才嘗言錢家叟當我朝大兵入關錢燕本朝無帶往迎途遇一老者以杖擊其首曰我是多愁多病身打你個傾國傾城帽帽與貌同音借西廂語聞者絕倒

園字

袁子才嘗畜一羊逸入鄰園食菜鄰翁來告袁曰汝知園字乎必築圍而後可對曰公亦知園字內爲何字乎築圍僅防園外不能防園內也公爲一笑

徵後

南海某太史不能提北音見客輒曰係係土音直是日係或贈以聯云
江淮河漢日月星辰某大喜而不知其歇後語也人傳爲笑

今附何監

番禺朱貞木茂才未游庠時曾捐監生後改名應童試獲售雲
起許之督學姚文僖公愛其才置不問覆試經題曰今附何監
可謂詼諧入妙

吃刀

洪稚存以言事獲罪初擬斬決親友詣獄哭唁洪反慰之口占
一絕末二句云丈夫自信頭顱好須爲朝廷吃一刀聞者破涕
爲笑

草雞毛

果益亭宗伯善射每射鵠矢無不中羊眼者此的正中一點京師
語曰金羊眼

稱爲果羊眼有某公戲曰我得一對矣衆詢之曰豈雞毛也都門市井稱白賴無恥者爲草雞毛也某公以饒宗伯不亦謔乎

秦檜夫婦

阮文達平蔡牽得其兵器銘爲秦檜夫婦跪岳廟前好事者撰聯語分繫其頸檜曰咳僕本喪心有賢妻何至若是王氏曰啐婦離長舌非老賊不到今朝互相埋怨口吻如生公鬪廟見之不覺失笑

楊州人

阮文達公初抵廣州泊舟揚幫側舟中聞絃索聲問此何地某對曰揚幫也問何以得此名曰此妓女所居妓多楊州人故名公哂之蓋忘公爲楊州人也

園門對

蔣伯生大令罷官歸築一園落成之日或題一聯於門云一
東倒西歪屋用盡貪穢枉法錢蔣見之乾笑而已

僧懼內

祇園上人招余輩小集成問坐中何人最懼內衆未及答祇園
曰惟老僧最懼內衆訝之笑曰惟懼內故不敢娶耳一坐粲然

嘲學政詩

嘉慶間鮑覺生侍郎督學河南題多割裂士子逐題作詩嘲之
云禮賢全不在胸中紐轉頭來只看鴻一目如何能四顧本來
孟子說難通順鴻世間何物最爲凶第一傷人是大蟲能使當
先驅得去其餘慢慢設牢籠驅虎廣大何容一物腸滿場文字
亂蓬茅生童拍手呵呵笑渠是魚包變草包及其買大草屠刀放
下可齊休只是當年但見牛莫謂龐然大物皆何物

愁見牛 禮云再說亦徒然實在須將寶物先匹帛有無何足道
算來不及幾文錢 禮云玉古來慘刻算殷商炮烙非刑事可傷
不見周文身一丈也教落去試油湯十尺湯沒頭沒腦信難題
七十搥每一望迷阿伯不知何處去隱將一子獨孤凄 七十里
子秋成到處穀盈堆又見漁人撒網回不是池中無別物恐防
現出本身來穀與魚紙上筆蹄迹可求葩經專記草春秋一生
最怪驚求友伐木都教影不留獸草真成一片白茫茫無土水
於何處藏欺侮聖人何道理要他跌落海中央下襲水揀取明
珠玉任沉依然一半是貪心旁人不曉題何處多向紅樓夢裏
尋寶珠但憑本量自推摩果是金剛肯怕磨任爾費將牛力氣
姑來一試待如何 堅手磨此類甚多皆可博笑

教坊碑

秦淮舊院教坊規條碑余嘗見拓本略云入教坊者准爲官妓
另報丁口賦稅凡報明脫籍過三代者准其相考官妓之夫綠
巾綠帶着猪皮靴出行路側至路心被撻勿論老病不准乘馬
及輿跨一木令二人肩之云云閱之不覺失笑

詩嘲俗令

聞某令官江北時重修平山堂落成後榜曰某年月日某縣正
堂某重修或賦詩云太守風流宴蜀岡千秋人尙脫歐陽不知
當日題名字可是揚州府正堂

聞酒

許青皋茂才不能飲凡宴會舉杯而已一日同集珠江鬻舫有
妓笑謂茂才曰君生平何皆問酒之會耶又問同音合坐晏然

河東獨吼

茅小山豫官河東道素懼內張棠村太守爲詩戲之有借問茅
山老道士河東獅吼近如何之句殊雅切

有韻指紳

遺經樓集金醴香員外著中多紀恩感遇之作嘗自謂此余有
韻履歷也按烏程姜茂才宸熙東鄉吳刺史嵩梁兩人詩集時
目爲有韻指紳錄金蓋亦有所本也

踏破甕

東坡寄諸子姪詩他年汝曹笏滿床中夜起舞踏破甕施元之
注世傳小話一貧士家惟一甕夜則守之而寢一夕心念苟得
富貴當以錢若干營田宅若干蓄婢妓高車大蓋無不備置不
覺臥適起舞遂踏破甕故今俗指妄想狂計者謂之甕算雲笈
雜抄下同

擠壞罔淵明

梧澤雖佩陰公平泉初入史館偶與同館陸公以事謁分宜衆皆競前遂至喧擠時庭中菊盛開公徐謂曰諸君且從容莫擠壞罔淵明也問者心愧

鞋底

宋楊文公億嘗草制爲執政者所黜竄公甚不平因取稿上塗抹處用濃墨傅之就爲鞋底模題其旁曰世業楊家鞋底人問其故曰他人腳跡常傳爲嘔噓自後行文遇人塗抹者必相諧曰又遭鞋底

遙遙華胥

梁書何昌宇爲吏部有姓閔者求官曰子焉後昌宇笑曰遙遙

華胥

硬雨

紹興山陰安大兩菴太學屋瓦皆碎學官申朝廷不可言菴稍爲硬雨

塗抹書

虞全舉子名添丁其幼喜於塗抹詩書往往令黑全戲爲詩曰
忽來案上翻墨汁塗抹詩書似老鴉

艾氣

韓熙載誘掖後進性好謔浪有投贊荒惡者便效煮艾熏之俟
來嗅曰予之卷軸何多艾氣也

謁勢人

宋文憲燕有王黼生與三鳥叢臣約異時立朝勢人之門足
勿涉也時趙宣平爲政諸大夫日奔走其庭三鳥叢臣雞初鳴

笑
笑錄

卷六

三十三

卽走候宣子入門見有危坐東榮者舉火照之則王戲生也各
慙而退

目眇眇以愁予

梁元帝一目眇爲湘東王時嘗登其宮以紫侍臣曰今日所謂
帝子降於北渚帝疑其戲之答曰卿道目眇眇兮愁余耶

踏破菜園

啓顏錄有人常食菜忽食羊蔥五臟神曰羊踏破菜園黃庭堅
詩臟神訴羊踏蔬

蚊子

聞見錄歐陽公云予作憎蠅賦蠅可憎而猶不比蚊子自遠喚
喝來咬人也

召客自醉

南唐書貽李乘好飲不折簡召親友曰今夕佳月能相過乎及
公集贈蔡已大醉指酒壺曰本用相待酒與忽來自倒之矣

我得之矣

唐詩紀事周朴苦吟嘗野逢一負薪者忽持之屬聲曰我得之
矣其人掣臂驚走遇游微卒疑爲偷兒將共追之朴徐曰我適
得句耳蓋賦古墓詩少落句偶見樵者遂足成云子孫何處開
爲客松柏被人伐作薪

韓盧後

晉中典書刁雍於桓公坐嘲韓博曰君是韓盧後博誤應曰君
是韓盧後公笑曰刁以君姓韓故以相戲他姓刁那得是韓盧
後博曰短尾者則爲刁也座歎以爲佳

勢不能行

笑 笑 錄 卷六

吳中其秀才素性詆諆適患疝氣而有友招飲其欄函云雖情不可却而勢不能行友莫解其故後席間有知此疾者始悟所謂不禁捧腹申報

十七字詩

有士子號西坡善作十七字詩值旱求雨賦詩曰太守祈雨澤萬民多感德昨夜推窗看見月太守怒使自嘲應曰古人號東坡今人號西坡若將兩人比差多後將發遣其舅送之舅眇一目又賦詩曰發配到雲陽見舅如見母兩入齊下淚三行既至配所官喜其詩令試爲之應聲曰蝦和蟹丁當夫人出後堂金蓮三寸小橫量增餘下同

評文

某貢生題詩人又云雨小黃鸝鳴翠柳一行白鷺上青天或

詞意蓋上句謂但聞其鳴鳴然下句語穢穢香不清也又見
人文字中有則得朋不域乎尋常句即批其旁云八音齊奏蓋
像其聲也又有傳某房考評一卷云未能采采流水蓬蓬遠春
又一卷云欠浮泛又云屬卷批云首載披一品衣次載袍九仙
骨三載不食人間烟火皆可發榮